

聖

唐會要卷第九十五

高昌

高句麗

百濟

新羅

高昌

即漢車師前王之達後漢王戊已校尉之故地漢時興
 師西討軍中羸憊者留居焉地形高敞故因名高昌壘
 有八城本皆中國人也後魏時為郡以闕爽為太守尋
 為且渠無諱所奪居數世高車滅之以燉煌人張孟明
 為國王國人殺之共立馬儒又殺之乃立其長史金城
 麴嘉為王嘉自云河東人世修職貢於中國有知文字
 書計置官亦採中國之號今王伯雅即嘉之後世
 武德七年獻拂狗雌雄各一高六尺長尺餘中國有拂菻
狗自此始也
 正觀四年其王文泰來朝泰即伯雅子也妻宇文氏即隋煬帝所

賜華容公主也請入宗親詔賜姓李氏封常樂公主其
後與突厥連結諸國朝貢者皆路出高昌文泰稍擁絕
之至十三年太宗謂其使曰高昌數年來朝貢既畧無
藩臣之禮今茲歲首萬國來朝而文泰不至我使人至
彼文泰云鷹飛于天雉竄于蒿猫遊于堂鼠安于穴各
得其所豈不理耶明年當發兵以擊爾國也十四年八
月十日交河道行運大總管侯君集副總管牛進達平
高昌國下其郡三縣五城二十二戶八千四十六口萬
七千七百三十八馬四千三百疋太宗欲以其地為州
縣魏徵諫曰未若因撫其人而立其子所謂伐罪吊人
威德被於遐邇為國之善者也今若平其土壤以為縣
州常須千餘兵鎮守數年一易往來交替死者十有三

四遺辦衣資離別親戚十年之後隴右空虛陛下終不
得高昌撮粟尺布以助中國所謂散有用而資無用太
宗不從以其地為西昌州族改為西州以交河城為交
和縣始昌城為天昌縣田城為柳中縣東鎮城為蒲昌
縣高昌城為高昌縣併為都護府留軍以鎮之初西突
厥遣其葉護屯兵於可汗浮圖城與高昌為影響至是
懼而來降以其地為庭州并置蒲類縣國威既震西域
大懼焉者王詣軍門請謁留兵鎮守刻石紀功而還海
歲調發千人防邊黃門侍郎褚遂良上疏曰臣聞古者
哲后必先華夏而後夷狄務廣德化不事遐荒是以周
宜薄伐至境而止始皇遠塞中國分離漢武負文景之
聚財翫士馬之餘力始通西域將五十年復得天馬於

完城採蒲桃於安息而海內空竭生人物故所以粗至
六畜等至舟平因之凶年盜賊並起搜粟都尉桑弘羊
復主意請遣士卒達舊輪臺築城以威西域武帝歡然
追悔情發於衷棄輪臺之野下哀痛之詔人神咸悅海
內又康向使武帝復用桑弘羊之言天下生靈皆盡之
矣是以光武中興不踰葱嶺孝章即位都護未歸陛下
誅滅高昌威加西域收其鯨鯢以為州縣然則王師被
發之歲河西供役之年飛芻輓粟十室而九數部蕭然
五年不復陛下歲遣千餘人遠事屯戍經年離別萬室
歸思去者資裝自須營辦既賣赦粟假其机杼經途死
亡復在言外兼遣罪人增其防遏彼罪人者生於敗肆
終朝墮業犯禁違公謂之浮薄徒能擾於邊城必無益

於行陣所遣之內復有逃亡官司捕捉為國生事設令
張掖塵飛酒泉烽舉陛下豈能得高昌一人升粟而及
事平終須發隴右諸州星馳電擊由斯而言此河西者
方已腹心彼高昌者他人手足豈得糜費中華以事無
用書曰不作無益害有益此之謂也陛下平頡利於少
塞滅吐暉於西海突厥餘衆為奇渾汗遣氓更樹君長
復立高昌非無前例此所謂有罪而誅之既復而立之
四海百奎誰不聞見蠕動懷生畏威慕德宜擇高昌可
立者而立之徵給首領兼還本國負戴漢恩長為藩翰
中國不擾既富且寧傳之子孫以貽永世初平高昌君
集至京師有司劾其私取寶物詔下獄中書侍郎岑文
本上疏曰高昌昏迷人神共棄在朝議者以其地在遐

荒咸欲置之度外惟陛下運獨見之明授決勝之畧君
集奉行聖筭相其平殄陛下為而不宰乃推功於將帥
露布初至便降大恩從征之人皆霑滌蕩內外文武咸
聽陛下賞不踰時不盈數日並付大理雖君集等自挂
網羅恐海內疑陛下惟錄其過以遺其功古之人君出
師命將克敵則獲重賞不克嚴刑是以當其有功也雖
貪殘淫縱必蒙青紫之寵當其無功雖勤功潔已不免
鈇鉞之誅故周書日記人之功忘人之過宜為君也昔
漢貳師將軍李廣利指五萬之師糜億萬之費經四年
之勞唯獲駿馬三十疋雖斬宛王之首而罪惡甚多武
帝以為萬里征伐不錄其過遂封海西侯又校尉陳湯
矯詔興師雖斬郅支單于而湯盜所收康居財物為司

隸所擊湯乃上疏曰臣與吏人共誅郅支幸得擒滅今
司隸乃收擊按驗是為郅支報讎也元帝赦其罪封湯
關內侯又留龍驤將軍王濬有平吳之功而王渾等論
濬軍人得皓寶物濬上表曰今年平吳誠為大慶於臣
之身更為咎累武帝赦而不推封襄陽侯近隋新義郡
公韓擒虎平陳之日縱士卒暴亂叔寶宮內帝亦不問
罪上柱國由斯觀之將帥之臣廉慎者少貪求者衆以
黃石軍勢曰使智使勇使貪使愚故智者樂立其功勇
者好行其志貪者邀趨其利愚者不計其死是知前聖
莫不收人之長棄人之短良為此也陛下若降雨露之
澤收雷電之威錄其微勞忘其大過是使立功之士因茲
而皆勸負罪之將由斯而改節乃釋君集等先是文泰

已死國人立其男智盛為王竟為君集執獻於觀德殿
初其國童謠曰高昌兵馬如霜雪漢家兵馬如日月日
月照霜雪迴有自消滅文泰使人捕其首唱者不能得
麴氏有國至智盛凡九代一百四十四年而滅尋拜智
盛為左武衛將軍封金城郡公弟智湛為右武衛中郎
將封天山縣公智湛後終於左驍衛將軍西州刺史
天授初其子崇統授左武衛大將軍交河郡王統卒封
襲遂絕

高句麗

高句麗者出自扶餘氏其後有蒙孫莫來音滅扶餘都
於平壤即互菟之故地俗頗知書記恒與中國通
武德七年二月七日遣使內附受正朔請頒曆許之八

年三月十一日高祖謂群臣曰名實之間理須相副高
麗稱臣以自尊大可即詔述朕此懷也裴矩溫彥博進
曰遼東之地周為箕子之國漢家之玄菟郡耳魏晉以
前近在隄封之內不可許以不臣若與高麗抗禮四夷
必當輕漢且中國之於夷狄猶泰山之於列星理無降
尊俯同藩服乃止正德十八年太宗謂侍臣曰高麗莫
離夫賊殺其主盡誅大臣用刑有同坑穽夫出師吊伐
須有其名因其殺虐下取之為易諫議大夫褚遂良進
曰兵若渡遼事須剋捷萬一不獲無以威示遠方必更
發怒再動兵衆若至於此安危難測太宗然之兵部尚
書李勣曰近者延陀犯邊陛下必欲追擊但為魏徵之
諫所以遂用其言此之失机亦由徵之誤計倘若仰申

聖策延陀無一人生還可五十年間邊境無事至十一月十六日以刑部尚書張亮為平壤道行軍大總管自萊州泛海趨平壤又以特進李勣為遼東道行軍大總管趨遼東西軍合勢以其月之三十日征遼之兵集於幽州安州人彭惠通請出布帛五千段以資征人上嘉之比漢之下式拜宣義郎十九年四月李勣攻拔蓋牟城獲口二萬以其城置蓋州五月上渡遼水詔徵橋梁以堅士卒之心上親率甲騎與李勣攻遼東城拔之以其城為州六日攻拔白巖城以其城為岩州遂引軍次安市城進兵以攻之會高麗北部耨薩高延壽南部高惠真率靺鞨之衆十五萬來援於安市城東南八里依山為陣上令所司張授降幕於朝堂之側曰明日午時納降勇於此上夜召文武躬自指麾是夜有流星

墜賊營中明日及戰大破之延壽惠真率三萬六千八百人來降上以首首三千五百人授以戎秩遷之內地餘三萬人悉放還平壤城靺鞨三千人並坑之獲馬五萬疋牛五萬頭甲一萬領因名所幸山為駐蹕山命許敬宗為文勒石以紀其迹遂移軍於安市城南久不克九月遂班師先遣遼蓋二州戶口渡遼乃召兵馬歷於城下而旋城主昇城拜辭太宗嘉其堅守賜縑百疋以勵事君者十一月至幽州初入遼也將十萬人各有八馱西軍戰馬四萬疋及還死者一千二百人八馱及戰死者十七八張亮水軍七萬人汎海溺死者數百人凡徙遼蓋巖二州戶五口入內地前後七萬餘人二十年李勣復大破高麗于南蘇班師至顯利城渡白狼黃岩

二水皆由勝已下勳恠二水狹淺問契丹遼源所在云
此二水更行數里即合南流即稱遼水更無遼源可得
也二十二年七月太子太傅知門下省事房玄齡謂諸
子曰吾自度危篤以東討不停豈可使吾啣恨北地遂
封表上諫曰臣詳觀古今為中國患者無過突厥遂能
坐運神策不下殿堂大小可汗相次束手分典禁衛執
戰行間其後延陀鳩張尋就夷滅鐵勒慕義請置州縣
沙漠已北萬里無塵至如高昌叛渙於流沙吐渾首鼠
於積石偏師薄伐俱從平蕩高麗歷代逋誅莫能討擊
陛下責其逆亂殺至虐人親總六軍問罪遼碣未經旬
日即滅遼東前後虜獲數十萬計分配諸州無處不滿
雪往代之宿耻掩靖陵之枯骨比功校德萬倍前生此

聖主之所自知微臣安敢備記今臣深為陛下惜之重
之愛之寶之周易曰知進退存亡而不失其正者其惟
聖人乎由此言之進有退之義存是亡之幾得有喪之
理老臣所以為陛下惜之蓋謂此也陛下威名功德亦
可足矣拓地開疆亦可止矣彼高麗者邊夷之賤類不
足待以仁義不可責以常理古來以魚鱉畜之宜從闕
略若必欲絕其種類恐獸動則搏陛下每決死囚必令
三覆五奏進素食停音樂蓋以人命所重感動聖慈也
况今兵士之徒罪無一疾無故驅之於戰陣之間委之
於鋒刃之下使肝腦塗地魂魄無歸令其老父孤兒寡
妻慈母望輜車而掩泣抱枯骨而摧心足以變動陰陽
感傷和氣寔天下之冤痛也且兵凶器也戰危事也不

得已而用之向使高麗違失臣節而陛下誅之可也侵
失百姓而陛下滅之可也久長能為中國患而陛下除
之可也有一於此雖日殺萬夫不足為媿今無此三條
坐煩中國內為舊主雪怨外為新羅報讎豈非所存者
小所損者大願陛下遵皇祖老子止足之誠保後代魏
魏之名發沛然之恩澤寬大之詔順陽春以布澤許高
麗以自新臣老病三公朝夕入地所恨境無塵露無增
海嶽謹罄殘魂餘息先代結草之誠儻蒙錄此哀鳴即
臣死且不朽八月徐克容上表曰竊見頃年已來力役
兼總東有遼海之軍西有崑丘之役士馬疲於甲冑舟
車倦於轉輸且召募投戎去留懷生死之痛因風阻浪
存沒有漂溺之危一夫力耕卒無數十之獲一船致損

則傾數萬之糧是猶運有盡之農功填無窮之巨浪圖
未獲之陀衆喪已滅之我軍雖除凶伐暴有國常規然躡
武玩兵先哲所戒昔秦王併吞六國返速危亡之期晉
武奄有三方翻成覆敗之業是知地廣非久安之術人
勞乃易亂之年願陛下布澤流仁矜弊恤之減行役之
煩增湛露之惠

龍朔元年四月十六日兵部尚書任雅相為江道行
軍大總管三十六軍水陸分途先覲高麗之壘上將親
率六軍以繼之蔚州刺史李君瑑上疏曰臣聞司馬法
曰國雖大好戰必亡天下雖平安戰必危戰者危事兵
者凶器故聖主明王重行之也愛人力之盡恐府庫之
殫懼社稷之危生中國之患故古人云務廣德者昌務

廣地者亡昔秦始皇好戰不已至於失國是不愛其內而務其遠故也漢武遠討朔方始平萬里廣拓南海八部絡戶口減半國用空虛至於末年方垂哀痛之詔自悔其失彼高麗者僻側小醜潛藏山海之間得其人不足以彰聖化棄其地不足以損天威何至乎疲中國之人傾府庫之實使男子不得耕耘女子不得蚕織陛下為人父母不垂惻恤之心傾其有限之貲貪彼無用之地設令高麗既滅即不得不發兵鎮守不兵威不足多發即人心不安是乃疲於轉戍萬姓無聊生則天下敗矣天下既敗即天下何以自安故臣以為征之不如不征滅之不如不滅惟陛下裁斷焉

乾元三年李勣攻拔無餘城遂與諸軍相會時侍御史

賈言忠克支度遼東軍糧使還上問以軍事言忠畫其山川地勢且言遼東可平之狀上問曰卿何以知其平也對曰昔隋主親率六軍覆於遼東者人事然也煬帝無道軍政嚴酷舉國皆叛天下離心玄感一唱狼狽而逐身死國亡自取之也及先帝親往問罪所以不得志者高麗未有豐也顏曰賊無抵中道迴今高麗以失其政人心不附男女兄弟相為攻擊脫身來奔為我鄉尊彼之情偽盡知之矣以國家富強陛下明聖將士盡心滅之必矣且臣聞高麗秘記云不及千年當有八十老將來滅之自前漢之高麗氏即有國土及今九百年矣李勣年登八十亦與其記符同又高麗頻歲飢荒賣鬻男女無故地裂狼狐入城蚡鼠穴於國門之下夷俗信

妖迭相驚駭天意如此人事如彼臣竊以為是行不再
攀矣上曰卿觀遼東諸軍孰賢對曰李勣先朝舊臣聖
鑒所悉寵同善雖非鬪將而持軍嚴整薛仁貴勇冠三
軍威名遠振高侃勤自儉處忠果有餘契苾何力沉毅
持重統御之才雖頗有忌前之癖而臨事能斷然諸將
夙夜小心忘身憂國者莫逮於李勣上深然其言
總章元年夏四月彗星見於五章許敬宗以為星孛於
東北王師問罪此高麗將滅之徵九月李勣拔平壤城
虜高藏男建等十二月至新豐詔取便道獻俘於昭陵
乃備軍容奏凱樂獻於太廟詔以高藏政不由已赦其
罪授司平太常伯男產授司宰少卿男建配流黔州分
其地置都督府九州三十二縣一百鎮又置安東都護

以統之移其戶二萬八千於內地

儀鳳中高宗授高藏遼東都督府致朝鮮王居安東頗
本恙為主高藏至安東潛與靺鞨相通謀叛事覺君還
配流邛州以永淳初辛贈衛尉卿聖曆二年又授高藏
另德武為安東都督以領本恙自是高句麗舊戶在安
東者漸寡少分授突厥及靺鞨等其舊地盡入於新羅
高氏君長遂絕元和十三年四月其國進樂物兩部

百濟

百濟者本扶餘之別種當馬韓之故地其後有高仇台
者為麗所破以百家濟海因號百濟焉大海之北小海
之南東北至新羅西至越州南渡海至倭國北渡至高
麗其王所居有東西兩城新置內官佐平掌宣納事理

內頭佐平掌庫藏內事法佐事掌禮儀事衛士佐平掌
宿衛兵事朝廷佐平掌刑獄事兵官佐平掌兵馬事又
外置六方管十郡其用法叛逆者死殺人者以奴婢二
人贖罪官人受財及盜者三倍追贓餘多與高麗同
武德四年其王扶餘璋遣使獻果下馬與新羅世為仇讎
正觀十六年與高麗通和以絕新羅入朝之道太宗親
征高麗百濟懷貳數年之間朝貢遂絕至五年八月十
三日左衛大將軍蘇定方封平之虜其王義慈及太子
崇將校五十八人送於京師其國分為五部統郡三十
七中城二百戶七十六方至是以其地置熊津馬韓東
明金連德安等五都督各統州縣立其酋長為都督刺
史縣令命左衛郎將王文度為都統總兵以鎮之義慈

事親以孝友聞於兄弟時人號為海東曾閔及至京數
日病卒葬於孫皓陳叔寶墓側至麟德三年已後其地
為新羅靺鞨所分百濟之種遂絕

新羅

新羅者本并韓之地其風俗衣服與高麗百濟畧同而
朝服尚白好祭山神國人多金朴兩姓異姓不為婚姻
重元日每其日拜日月鬼神人髮長

其先出高麗魏將毋丘儉之破高麗也其眾遁保沃甘後歸故

因其留者號新羅

永徽元年新羅王金真德大破百濟遣使金法敏來朝
仍織錦作五言太平詩以獻帝嘉之拜法敏為太府卿
五年真德卒高宗為奉哀放永光門使太常卿張文收
持節吊祭之贈開府儀同三司仍賜綾綵三百段詔其

子春秋嗣位顯慶元年三月又破百濟兵遣使來告捷
龍朔元年春秋卒詔以其子法敏嗣位三年四月詔以
新羅國置難林大都督仍授法敏鷄林大都督
麟德二年八月法敏與熊津都督扶隆明於百濟之熊
津城其盟書藏於新羅之廟於是帶方州刺史劉仁軌
領新羅百濟僭羅倭人四國使浮海西還以赴太山之下
上元元年二月新羅王金法敏既納高句麗叛亡之衆
又封百濟故地遣兵守之帝大怒詔削法敏官爵遣宰
臣劉仁軌討之仍以法敏弟右驍衛員外大將軍臨海
郡公金仁問為新羅王時仁問在京師詔令歸國以代
其兄仁問行至中路聞新羅降仁問乃還二年二月鷄
林道行軍大總管劉仁軌大破新羅之衆於七重城而

還新羅於是遣使入朝伏罪并獻方物前後相屬意復
法敏官爵既盡有百濟之地及高麗南麗南境東西約
九百里南北約一千八百里於界內置上良康熊金武
漢朔溟等州所輸物產為新羅之最

開耀元年法敏卒遣使冊立其子政明為王仍襲父官爵
長壽二年政明卒冊立其子理洪為王三年遣使來朝
其年理洪卒冊立其弟崇基為王仍令襲兄輔國大將
軍左豹韜大將軍鷄林州都督
神龍三年授驃騎大將軍先天元年改名興光
開元十年頻遣使獻方物十二年興光遣使獻果下馬二匹
牛黃人參頭髮朝霞紬魚牙紬鍤鷹鈴海豹皮金銀等
仍上表陳謝至十二年遣其臣金武勳來賀正及武勳

迴降書賜之又使其弟金嗣宗來朝并貢方物至二十
一年加與光寧海軍使其年命太僕卿員外置金思蘭
使於新羅思蘭本新羅之行人恭而有禮因留宿衛及
是妾以出疆之任且便之也前年帝賜吳光白鸚鵡雌
雄各一及紫羅綉袍金銀鈿器物瑞文繡緋羅五色羅
綵綾共三百餘段至吳光遣使從姪志廉奉表陳謝仍
奏國內有芝草生畫圖而獻二十年又遣其大臣金竭
丹來賀正又遣侄志廉來獻方物授志廉鴻臚少卿員
外置賜絹百疋留宿衛二十三年十一月遣從弟大阿
食金忠相來朝死於路贈衛尉卿二十五年吳光卒其
子承慶嗣位遣使來告帝悼惜久之贈太子大保命贊
善大夫邢璠攝鴻臚少卿往其國行吊祭冊立之禮至

二十八年冊承慶妻村氏為新羅王妃

天寶三年承慶卒命弟憲英嗣位仍襲開府儀同三司
都督雞林州刺史兼持節寧波軍事是載四月遣使謝
恩并獻方物十月遣使來賀王授左清道率府員外長
史賜綠袍銀帶放還憲自後頻來朝七年遣使獻金銀
及六十總布魚牙紬朝霞紬牛黃頭髮人參
寶應二年憲英遣使朝貢授其使校檢禮部尚書放還
大曆二年憲英卒冊立其子乾運為王三年二月命倉
部郎中歸崇敬兼御史中丞持節冊命又冊乾運母為
太妃七年遣使金標石來賀正授衛尉員外少卿放還
八年遣使來朝并獻金銀牛黃魚牙紬朝霞紬等方物
建中四年乾運卒無子國人立其上相良相為王

正元元年授良相檢校太尉都督雞林州刺史寧海軍使新羅國王仍令戶部郎中蓋損持節冊命其年良相卒立上相敬信為王令襲其官爵信即相之從兄弟也十四年敬信卒其子先敬信亡國人立敬信嫡孫權知國事後邕為王十六年授後邕開府儀同三司檢校太尉新羅王令司封郎中兼御史中丞常冊持節冊命明年至鄆州聞後邕卒其子重興立詔冊還永正元年詔遣兵部郎中李元先持節冊與為王元和元年十一月放宿衛新羅王子金獻忠歸本國仍加秘試書監三年遣使金力奇來朝其年七月力奇上言正元十六年奉詔冊臣故主金俊邕為新羅王母申氏為太妃妻叔氏為王妃爵使常冊至中路知後邕薨

其丹即迴在中書省令臣還國伏請授臣以歸勅金俊邕等冊宜令鴻臚寺於中書省受領至寺宣授與金力奇令奏歸國仍寺其叔昇門戟令本國準例給四年遣使金陸珍等來朝貢五年其王子金憲章來朝貢七年重興卒其相金彥昇遣使金昌南等告哀其年七月授彥府儀同三司檢校太尉侍郎大都督鷄林州諸軍事兼持節寧海軍工柱國新羅王彥昇妻正氏宜冊為妃仍賜太宰相金崇斌等三人戟亦令本國準給兼命職方員外郎攝御史中丞崔延持節吊祭冊立其質子金士臣副之十一年十一月其入朝王子金士臣等遇惡風飄至楚州益城縣界淮南節度使李鄴以聞是歲新羅飢其衆一百七十人求食於浙東十五年遣使朝貢

長慶二年十二月遣使金柱弼朝貢
寶歷元年其子王金明來朝兼克宿衛

太和四年彥昇卒五年四月詔以新羅王金景微為開
府儀同三司檢校大尉使持節大都督鷄林州諸軍事
兼中寧海軍使景微母朴氏宜冊為太妃妻朴氏冊為
妃太子左諭德兼御史中丞源寂持節吊祭冊立焉
開成元年其王金義琮來謝恩兼宿衛二年四月十一
日放還惹賜物有差五年四月鴻臚寺新羅國吉哀質
子及羊合歸國孛生等共一百五人並放還

會昌元年七月勅歸國新羅前入新羅宣慰副使前克
克州都督府司馬賜緋魚袋金雲卿可淄州長史
唐會要卷第九十五

唐會要卷第九十六

契丹

奚

室韋

靺鞨

鐵勒

薛延陀

契丹

契丹居潢水之南黃龍之北鮮卑之故地君長姓大賀
氏勝兵四萬三千人分為八部好與奚鬪死無服紀子
孫死父母晨夕哭父母死子孫不哭餘風俗與突厥同

武德二年二月遣使貢名馬豐貂

正觀二十二年酋長窟奇等部落咸請內附又契丹有
別部酋師孫教曹者武德四年與靺鞨酋長突地稽俱
請內附詔令營州城傍安置至曾孫萬榮通天年中與
妹偕李盡忠殺營州都督趙翽據營州作亂盡忠則窟則
天大怒萬榮為萬斬盡忠為盡滅尋自稱無上可汗以

萬榮為大將及盡忠死萬榮領其眾初令曹仁師討之官軍敗績又令王孝傑繼之孝傑于陣攻陷冀州俄為奚及突厥掩擊其後張九節設伏以擊逐遂單馬霄遁為其奴斬之

開元二年李盡忠從父弟失活請歸款復封失活為松漠都督授左金吾衛大將軍仍於其府置靜折軍五年十二月以永樂公主出降失活親迎之夜遣諸親高品及兩蕃大首領現花燭六年失活卒玄宗為之舉哀贈特進冊立其從父弟娑固為松漠郡王至十年十一月娑固與公主來朝宴於內殿及歸娑固衙官可突于勇悍得眾娑固欲除之而事泄可突于攻之娑固奔營州可突于立娑固從父弟鬱干為主鬱干遣使謝罪玄宗復冊立鬱干令襲娑固之位仍赦可突于之罪至十年

鬱干廟請婚又封餘姚縣主長女慕容氏為燕郡公主以妻之封鬱干為松漠郡王授左金吾員外大將軍兼靜折軍經畧大使鬱干死立其弟咄于襲其官爵復以燕郡公主為妻十三年咄于復與可突于相猜阻推公主未奔改封遼陽王國人立其弟郡固其冬郡固詣行在從至東嶽詔左羽林員外大將軍改封廣化郡王仍封宗室外生陳氏女為東光公主以妻之十八年郡固為可突于所殺以其眾降突厥東光公主走投平盧詔遣使安王禕幽州長史薛楚平等討之皆不尅二十二

年六月幽州節度使張守珪大破之遣使獻捷勅曰邊境為患莫甚于林胡朝廷是虞幾煩於將帥積年逋誅一朝剪滅則東方之侵以廓清河朔之人差寬征戍此

皆上憑九廟之祉下杖群帥之功今具凱旋敢不以獻
宜擇日告九廟所司準式其年十二月幽州節度使張
守珪發兵討契丹斬其王屈列及其大臣可突于等傳
首東都餘衆及叛奚皆散走山谷立其首長李遇折為
契丹王仍授特進封東平郡王其年過折又為可突于
黨泥禮所殺唯一子刺乾走投安東獲免拜左驍衛將
軍自後與奚王朝貢歲至蕃禮甚備

正元四年復犯我北鄙幽州以聞九年十二月遣使朝
貢十年正月遣使朝貢其年二月勅幽州道入朝契丹
大首領梅落襍河等五人並可果毅都尉次首領王下
詔活薛你君等一十六人並可別將放還國十一年十
月契丹大首領熱蘓等二十五人來朝

元和八年遣使朝貢九年十一月契丹大首領梅落鶻
勞來朝十年十一月契丹遣使梅落饒等二十九人來
朝貢十二年十一月契丹首領介落等朝貢以告身一
十九通賜其貴人

太和九年十一月契丹大首領二十九人來朝賜物各有差
開成元年十一月契丹大首領涅列壞等三十一人來朝
四年十二月契丹大首領薛葛等三十人來朝

會昌二年九月制契丹新立王屈戌可雲麾將軍守右
武衛將軍負外同正幽州節度使張仲武奏契丹新立
王屈戌等云契丹舊用迴鶻印今懇請當道開奏乞國
家賜印伏望聖造允許勅旨宜依仍以奉國契丹之印
為文

奚

奚蓋匈奴之別種所居亦解卑之故地即東胡之界也
勝兵三萬分為五部每部置侯斤風俗與突厥同通天
年中契丹叛奚亦臣屬突厥兩國常為表裏號為西蕃
景雲元年其王李大酺遣使貢方物

開元五年大酺入朝為饒樂都王仍授左金吾員外衛
大將軍詔封外生氏為固安公主以妻之其年大酺與
契丹首領李失活請於柳城復州許之大酺卒弟魯蕪
立十年詔魯蘇襲其兄官爵又封咸安公主女常氏
東光公主以妻之十四年改封魯蘇為奉誠王後為契
丹衙官可突于脇走枝榆開移其部落於幽州界安置
五載又封其王婁固為昭信王仍授饒落都督自

大曆後朝使繼至

元和四年七月奚及常室寇振武

年四月幽州奏破

奚六萬餘眾

太和元年其王饒樂府都督襲歸誠王梅落來朝加檢
校司空放還蕃 年以奚首領索低為左衛將軍同正
克檀薊兩州遊奕兵馬使仍賜姓李氏八年遣使朝貢
十一年遣使獻名馬是後每歲至今朝貢不絕或歲中
三至故事嘗以范陽節度使為押奚契丹西蕃使自至
德後其蕃臣多擅封壤朝廷優容之彼務自完不生邊
事故二蕃亦少為寇其每歲朝賀常各遣數百人至幽
州則選其酋長三五十人赴闕引見於麟德殿賜以金
帛遣還餘皆駐而館之率以為常

室帝

室帝者契丹之別種附於突厥用角弓枯天尤善射時
 聚弋獵事畢而散其人土著無賦稅人牽犁以種又按
 隋書室帝記云室帝有五部落一南室帝二北室帝三
 鉢室帝在北室帝之北四深莫怛室帝在北室帝之西
 北五大室帝在室建河之南深末怛室帝之西北隋書
 曰大室帝之外名字改易不可詳悉突厥沙鉢可汗常
 以吐氏潘恠統領之然並契丹之別種也其南者為契
 丹在北者號室帝南室帝在契丹北三千里後魏書云自契丹路經啜水蓋
水積了山其山週回三百里土地卑濕至夏則移向西貸穀欠對
又經屈利水到其國也二山多草木饒禽獸又多蚊蚋人皆巢居以避其患後
 漸分為二十五部其酋帥號餘莫不滿咄死則子弟代

之無嗣則擇賢豪而立之盤髮衣服與契丹同乘牛車
 蘧蔭為室如突厥羶車之狀渡水則束薪為棧或有以
 皮為舟者馬則織草為鞞結繩為轡寢則屈木為室以
 蘧蔭覆之移則載行以猪皮為庸編木籍之氣候多寒
 田收甚薄架羊必馬多猪牛言語與靺鞨相通婚嫁之
 法二家相許僭輒盜婦將去然後送牛馬為聘婦人不
 再嫁以為死人之妻難以共居部落共為大柵人死至
 屍其上居喪三年其國無鉄取給於高麗南室帝北行
 十一日至北室帝分為九部落其渠帥號乞引莫賀咄
 氣候最寒冬則入山居穴中牛畜多凍死饒麋羴麝獵為
 務鑿冰沒水中而網射魚鱉地多積雪惧陷坑竄騎木
 而行俗皆捕貂為業冠以狐貉衣以魚皮又北行千里

至鉢室常依胡布山而住人衆多於北室常不知為幾
部落用槿皮蓋屋其餘同北室常從鉢室常西四日行
至深末坦室常因水為號也冬月穴居以避太陰之氣
也又西北數千里至大室常徑路險阻言語不同尤多
貂及青鼠北室常後魏武定隋開皇大業中並遣使貢
獻大唐有九部焉所謂嶺西室常山北室常黃頭室常
大如者室常小如者室常婆葛室常訥北室常駱駝室
常並在柳城之郡東北近者三千五百里遠者六十二
百里今室常最西與迴鶻接界者有烏素固部落當居
俱輪國之西南次東有移塞沒部落次東入有塞曷夫
部落此部落有良馬人戶亦多居吸河之南其河彼俗
謂之燕支河又有河解部落次東又有烏羅護部落一

名烏羅渾元魏謂之烏落居磨蓋獨山北吸河之側此
部落自魏太武真君四年歷北齊周隋及武德已後朝
貢不絕又有那禮部落與烏羅護大牙而居又東北有
山北室常又有小如者室常又北有婆葛室常東又有
嶺西室常又東南至黃頭室常北部落兵強人戶亦多
東北與達始接嶺西室常北又有訥北之室常此部落
小烏羅護之東北百餘里那河之右有古烏丸之遺人
今亦自稱烏丸國武德正觀中亦遣使朝貢其國北大山
之北亦有大車室常部落其部落傍室建河居其河源
出突厥東北界俱輪國屈曲東流經西室常界又東經
大室常界又東經蒙兀室常之北落但室常之南又東流
與那河忽汗河合又東經南黑水靺鞨之北北黑水靺

羯之南東流住於海烏丸東南三百里又有東室帝部落在越河北東南流與那河合
武德八年遣使朝貢

開元天寶中每數歲一遣使來朝及貢貂皮等物
正元八年閏十二月室帝都督和斛熱素等一十人來朝貢
太和五年至八年凡三遣使來朝貢九年十二月室帝
大都督阿朱等三十人來朝貢
開成元年十二月室帝大都督阿朱等三十人來朝進
馬五十匹四年正月上御麟德殿對八朝賀王室帝阿
朱等十五人其年十一月室帝大都督袞等三十人來朝貢
會昌二年十二月上御麟德殿引見室帝大首領都督
熱論等十五人宴賜有差

咸通元年正月上御紫宸殿受朝對室帝使

靺鞨

靺鞨者蓋肅慎之地也後魏謂之勿吉凡有數十部落
各有酋長而黑水靺鞨最處北方尤稱徑捷性兇悍無
憂戚無文字其畜宜猪食其肉而衣其皮淳海靺鞨木
高麗別種後徙居管州其王姓大氏名祚榮子武藝
正觀十四年黑水靺鞨遣使朝貢以其地為黑水州
武德三年其部酋長突地稽遣使朝貢以其部置燕州
拜突地稽為總管正觀初高開道引突厥來攻幽州突
地稽力戰有功拜左衛將軍賜姓李氏封耆國公尋卒
子謹行武力絕人麟德中累遷營州都督右領軍大將
軍為積石道經畧大使上元三年大破吐蕃衆數萬於

青海之上降璽書勞仍賜燕國公永淳元年卒贈幽州
都督部莫乾陵自後或有酋長自來或遣使朝貢每歲
不絕其白山部素附於高麗因收平壤後郡衆多入於
中國泊咄安居骨室等部亦因高麗破後奔散微弱今
無聞焉縱有遺人並為淳海編戶唯黑水部全盛分為
十六部落又以南北為柵

開元十三年安東都護薛奏謂於黑水靺鞨內置黑水
軍續更以最大部落為黑水府仍以其首領為都督諸
部刺史隸屬焉中國置長史就其部落監領之十六年
其都督賜姓李氏賜名猷誠授獻誠雲麾將軍兼黑水
經畧使仍以幽州都督為其押使自此朝貢不絕舊說
黑水西北有思慕靺鞨正北微東十日程有郡利靺鞨

東北十日程有窟說靺鞨亦謂之屈說東南十日程有
莫曳皆靺鞨今黑水靺鞨界南與渤海國德里府北至
小海東至大海西至室韋南北約二千里東西約一千
里其國少馬國人能步戰土多貂鼠皮尾骨咄角白兔
白鷹等初太宗謂侍臣曰靺鞨遠來蓋突厥朕之所致
也昔周宣之時獫狁孔熾出兵驅逐比之蚊蚋議者以
為中策漢武帝北事匈奴中國虛竭議者以為下策秦
始皇北築長城人神怨憤議者以為無策然則自古以
來其無上策乎朕承隋之弊而四夷歸伏無為而治得
非上策乎禮部侍郎李百藥進曰陛下以武功定四海
以文德綏萬物至道所感格於天地斯蓋二儀降福以
祚聖人豈與周漢設策校其短長哉太宗大悅其拂涅

鐵利等諸部落自國初至天寶末亦常朝貢或隨渤海使而來唯郡利莫曳皆三西部未至及渤海浸強黑水亦為其所屬

正元八年閏十二月渤海押靺鞨使楊吉福等三十五人來朝貢十年二月以來朝渤海王子大清朝京師拜官三十餘人十一年十二月以靺鞨都督密阿古等二十二人並拜中郎將改還蕃至十四年三月加渤海郡王兼驍衛大將軍忽汗州都督大嵩璘為銀青光祿大夫檢校司空冊為渤海國王依前忽汗州都督初嵩璘父欽茂以開元二十六年襲其父武藝忽汗州都督渤海郡王左金吾大將軍天寶中累加特進太子詹事賓應元年進封欽茂為渤海國王大曆中又累拜司空大

尉及嵩璘嗣位但受其郡王將軍嵩璘遣使叙理故加冊命焉至元和四年以渤海國王大嵩璘男兀瑜為銀青光祿大夫檢校秘書監忽汗州都督依前渤海國王七年十二月遣使朝貢八年又遣使朝貢十年二月黑水酋長十一人朝貢十一年三月渤海靺鞨遣使朝貢賜其使二十人官告

鐵勒

鐵勒者本匈奴之別種武德初有薛延陀契苾迴訖都播骨利幹多覽葛僕骨拔野古同羅渾部思結斛薩奚結阿跌白霫等散在磧此皆鐵勒之部內諸部隋大業中西突處羅可汗強盛鐵勒諸部皆臣之後處羅徵稅無度鐵勒相率而叛歸及頡利政亂皆屬於薛延陀

正觀二年既破延陀太宗幸靈州次涇陽縣鉄勒迴鶻
拔野古同羅僕骨多濫葛思結阿跌契丹奚渾斛薩等
十一姓各遣國歸貢獻奏稱延陀可汗不事大國暴虐
無道不能與奴為主以自死敗部落烏散不知所之奴
等各有分地不能逐延陀去也歸命天子願賜哀憐乞
置漢官司養育奴等太宗以破延陀欲遂空漢庭見其
使至甚悅遣黃門侍郎褚遂良引於縣廳浮觴積鹵以
禮之夜分乃以異日召鉄勒等並入行宮張樂以宴之
拜為郎將及昭武校尉等官乃降璽書勞其酋長及賚
綾錦等以將厚意仍遣與乘輿會於靈州并使右領軍
中郎將安永壽往報焉十一月太宗至靈州鉄勒諸部
俟斤頡利發等諸姓至靈州者數千人咸請列其地為

州縣又曰願得天至尊為奴等作可汗可汗子孫常為
天至尊作奴死無恨於是北荒悉平太宗為言詩以叙
其事公卿咸請勒於石從之二十一年正月鉄勒迴紇
俟利茲等諸姓並同詣闕朝見太宗親賞其緋黃瑞錦
及標領袍鉄勒等覩而驚駭以為未嘗聞見捧戴拜謝
盤於塵埃中及還蕃太宗御天成殿陳十部樂而遣
之麟德中餘黨復叛
乾封元年三月鉄勒道行軍大總管右武衛大將軍鄭
仁泰左武衛大將軍薛仁貴破鉄勒之衆於天山初泰
等將發京內宴以錢之積甲於殿前令仁貴試之帝曰
古之善射能有穿七札者卿且財五重仁貴射而徹之
帝大驚賞取甲以賜之時九姓有衆十餘萬令驍健數

十人逆來挑戰仁貴發三矢射殺三人自餘一時下馬請降仁貴恐為後患並坑殺之更就磧北討餘衆擒其偽葉護兄弟三人而還軍中歌曰將軍三箭定天山戰士長歌入漢關是後遂絕

薛延陀

薛延陀者自云本姓薛氏其先擊滅延陀而有其衆因號薛延陀其風俗與突厥同延陀乙夫鉢之孫曰夷男率其部落七萬帳附於頡利頡利亂磧北諸姓多歸夷男共擁為可汗

正觀二年太宗使喬師望丹為毗伽可汗贈之彭蘇大喜遂建於大漠之北鬱督軍山下三年遣其弟純特勒未朝上賜以寶刀及寶鞭謂曰汝所部有大罪斬之

小罪鞭之及平頡利夷男東反故國建庭於尉都隄北山獨還河之南即古匈奴之故地勝兵二十萬仍立其子為南北部太宗恐其太盛冊其子皆為小可汗外示優崇實欲分其勢也會朝廷立李思摩為可汗處其部衆於漢南之地夷男心不悅十五年太宗將有事太山夷男謀於國曰天子東封士馬皆集我乘此擊思摩若拉朽耳固命其子大度設勒兵二十萬凡白道州詔李勣薛萬徹討之大敗其衆十六年遣使謝罪請婚許之妻以新興公主仍令備親迎之儀太宗欲幸靈武以會之夷男竟後期不至乃絕其婚十七年夷男卒其後子拔灼襲位拔灼性偏其下多不附尋卒衆復寇邊景二十年三月夏州都督喬師望右領軍大將軍執失思力

等擊延陀大破之斬獲二十餘人六月鉄勒僕骨同羅
共擊延陀大敗之太宗以其教與思摩交兵乃降璽書
責讓之又謂其使曰語爾可汗我父子並東征高麗汝
若能寇邊者但當來也可汗遣使致謝請發兵來助太
宗答以優詔而止其兵及太宗拔遼東謝城破駐驛之
陣降高延壽聲振戎狄而莫離支潛令靺鞨誑惑延陀
啗以厚利延陀氣懾石敢動太宗在安市城謂邊臣曰
以我量之夷男其死矣聞者莫測俄然真珠毗伽可汗
死其少子肆業護殺其兄突利失可汗而自立是謂頡
利俱利薛娑多弥可汗而車駕尚在遼東邊境闕倂遂
發兵夏州執失思力擊敗之多弥可汗輕騎遁走部
內騷然矣多弥可汗馭下少思廢其父時貴臣任已親

暱多所殺戮其下不附國中震恐皆不自安時太宗別
令校尉宇文法詣烏羅護靺鞨部遭遇延陀阿波設比
於東境法令率靺鞨進擊破之阿波設謂其國人曰唐
兵至矣其衆轉相驚擾如是二旬諸部大亂多弥可汗
與數十騎往投阿史那時健部落尋為迴紇所殺宗族
殆盡其餘尚存五萬竄於西域而立真珠毗伽可汗猶
子咄摩支為首師乃去可汗之號遣使奉表請居鬱督
軍山之北使兵部尚書崔敦禮英國公李勣就安輯之
太宗謂曰叛則擊之勣等就至咄摩支惶駭不知所為
潛謀拒戰持兩端因縱兵追擊前後斬五千餘級虜男
女二萬餘人後咄摩支入朝拜為右武衛將軍及卒太
宗為發哀初延陀請以其庶長子曳莽為突利失可汗

居東方所統者雜種嫡子拔酌為肆業護可汗居西方
所統者皆延陀詔許之並禮以冊合曳莽自知非正嫡
部落又少意常不協性又踈擾而輕用兵白道之役即
曳莽唱首拔酌二之延陀之卒皆來會莽焚屍卒哭曳
莽懼拔酌圖已先還拔酌引兵自後襲殺之延陀以正
規初建衙於磧北歷三主凡二十年李勣崔執禮滅之
總章二年十二月延陀部落餘眾擾亂詔發突厥進諸
至烏羅德健山大破之

唐會要卷第九十六

唐會要卷第九十七

推忠協謀佐理功臣光祿大夫守司空兼門下侍
郎同中書門下平章事監修國史上柱國太原郡
開國公食邑二千戶食實封四百戶臣王溥纂

吐蕃

吐蕃

吐蕃者在長安西八千里本漢西羗之種也不知有國

之所由

或云南涼禿髮利鹿孤之子曰樊尼國滅之後西奔于羗中建國為衆所
懷故姓寧渤海或云以禿髮為國號語訛謂之吐蕃歷魏及隋隔潤諸羗未通中國

國人號其王為贊普以統理國事無文字刻木結繩為

約徵兵用全箭

至舉燧與臣下一年一小盟

用羊狗
狝猴三

年一大盟

用人馬
牛駝

以麥熟為歲首其國都號為邏婆城用

法嚴整議事則自下而起因人所利而行之此其所以

強且久也重壯賤老母拜於子重兵死惡病終以累世
戰沒者為甲門臨陣奔北者懸狐尾於其首表其似狐
之怯其贊普弄讚雄霸西域

正觀八年九月朝貢使至十四年遣其相祿東贊政禮
請婚因獻金五千兩自餘寶數百事十五年以文成公
主妻之弄讚至須海親迎於河源見王人執子偁之禮
甚恭而歎大國禮儀之美俯仰有媿沮之色及與公主
歸國謂所親曰我祖父未有通婚上國者今我得尚大
唐公主為幸實多當為公主築一城以誇示後代遂築
城立棟宇以居處之公主惡其趨向弄讚弄國中權且
罷之身釋毡裘襲紈綺漸慕華風仍遣首豪子弟請入
國學以習詩書又請中國識文字之人與其表疏上征

遼還獻大鵝黃金鑄成高七尺可受酒三斛高宗即位
拜附馬都尉封西海郡王致書於長孫無忌云天子初
即位若臣下有不忠之心者當勒兵以往並獻金銀珠
寶十五種置太宗靈座之前高宗進封寶王因請蠶種
及造酒碾磑紙筆之匠並許之

永徽元年弄讚卒其子早卒立其孫年幼國事皆委祿
東贊姓葉氏有謀畧初太宗許降天成公主東贊來迎
召見顧問進對合旨乃拜為右衛大將軍又以琅邪公
主孫女妻之東贊辭曰臣本國有婦父母所聘情不忍
乖且贊普未謁公主陪臣安敢妄婚上嘉之東贊有子
五人長悉若早卒次欽陵三贊婆四悉多于五渤論及
東贊死欽陵兄弟復專其國

通天元元年薛仁貴為欽所敗于大非川
上元二年李敬玄又敗于青海方贊

婆則專在東境與中國為隣
三十余年恒為邊患

儀鳳三年上以李敬玄初敗吐蕃為患轉甚召侍臣曰
吐蕃小醜屢犯邊境置之則疆場日駭國之則未聞上
策宜論其得失各書所懷給事中劉景先曰攻之則兵
威不足鎮之則國力有餘且撫養士卒守禦邊境中書
舍人郭正一曰吐蕃作梗年歲已深兵師不絕非無勞
費迫討則徒損兵威深入則未窮巢穴臣望少發兵幕
且遣備邊明立烽候勿令侵掠待國用豐足一舉而滅
之給事中皇甫文亮曰且令大將鎮撫畜養將士仍命
良吏營田以收糧儲必待足兵足食方可以舉而取之
上曰宿將舊人多從物故自非投戈後傑安能克滅亮
渠中書舍人劉禕之曰臣觀自古聖主明君皆有夷狄

為梗今吐蕃憑陵未足為耻願斬萬乘之威寬百姓之
後給事中楊思忠微曰聖人御物貴在從時今亮寇不
能懷德未肯畏威和好之謀臣謂非便中書侍郎薛元
超曰臣以為敵不可縱敵則患生邊不可守守邊則
卒老不如料簡士卒一舉滅之上顧謂黃門侍郎來恒
李勣已後實無好將當今以張虔勗紀及等差為優耳
恒曰昨者洮河兵馬足堪制敵但為諸將失於部分遂
無成功今無好將誠如聖旨
聖曆二年贊普器弩悉弄年長乃與大臣論嚴密計圖
之召欽親黨二千餘人殺之欽陵自殺
景龍四年來請婚以左衛大將軍楊矩為送金城公主
使後矩為鄯州都督吐蕃厚賂之因請河西九曲之地

以為公主湯沐之地矩遂奏與之吐蕃既得九曲其地肥良又與唐境接近自後復叛

楊矩懼飲藥而死

先天元年十月二十六日吐蕃遣使來朝吐蕃自漢界出鄯城五百里過烏海入吐部落弥多弥蘇毗及白蘭寺國風雨雷電隔日有之夏氣如日中國暮春之月山有積雪地有冷瘴令人氣急不甚為害其俗重漢贈而貴琴瑟男女用為首飾其君長或居拔布州或居邏娑州有小城而不居坐大毡帳張大拂廬其大可容數百人兵衛極嚴而衙府甚狹俗養牛羊取乳酪供食兼取毛為褐而衣焉不食驢馬肉以麥為麪人死殺牛馬以殉取牛馬頭周壘於墓上正方壘石為之狀若平頭屋焉其臣與君自為支號曰共命人其數不過五人君死

之日共命人皆日夜縱酒葬日於脚下刺血出盡乃死便以殯葬又有親信人用刀當腦縫鋸亦有將四尺木大如指刺兩肋下死者十有四五亦殉葬焉設官父死子代絕嗣則近親襲焉非其種類輒不相伏其官章飭有五等一謂琴瑟二謂金三謂金飾銀上四謂銀五謂熟銅各以方圓三寸褐上裝之安膊前以辨貴賤其戰必下馬列行而陣死則逆收之終不肯退槍細而長於漢者弓矢弱而甲堅人皆用劍不戰亦負劍而行其驛以鐵箭為契其箭長七寸若急驛膊前加一銀鶻有草名連古芒葉長二寸狀若斜蒿有鼠尾常於長鼠其國禁毀鼠殺之者加其罪有可跋海去赤嶺百里方圓七里東南流入蠻與西洱河合流而東號為撲鼻水又東

南出會川為瀘水焉自赤嶺至邏娑川絕無樹木惟有楊柳人以為資

開元二年五月吐蕃宰相全達延陀獻書於宰相曰兩國地界事資早定界定之後然後立盟其月吐蕃使其宰相尚欽藏及御史名悉獵來獻盟書玄宗御承天門樓命有司引見置酒於內殿宴遣之其月全達延陀率眾侵我渭源帝下制親征會薛訥遇賊數萬眾戰於武階驛大破之乃罷自五年至十年凡八來朝并貢方物二十一年二月金城公主上言請以今年九月一日樹碑於赤嶺定蕃漢兩界時李嵩使於蕃金城度其還期在暮秋故有事請及樹之日詔張守珪李行梯與其使奔布支同訖其事是月遣其大臣屬盧論奔藏來朝及

獻方物自二十二年每歲遣使賀正并貢獻至二十九年七月金城公主薨

神龍元年其質普器弩悉弄卒其子棄肆踏質嗣位贊時年七歲使來告喪中宗為之舉哀廢朝一日俄而棄肆祖母遣使獻金二千兩為棄肆求婚中宗遂養公主為女降嫁之自是頻歲貢獻然亦時犯西邊十三年遣使來賀不許十七年復遣使來朝詔王忠友皇甫惟明及內侍張元方便使於吐蕃惟明既見質普及公主皆欣然請和畫出正規以來勅書以示惟明及遣及其重臣名悉獵隨惟明入朝質普既獻寶公主又獻盤雜器等物悉獵頗曉書記先是迎公主長安當時朝廷皆稱有才辨及引入賜宴與語甚禮之詔御史大夫崔琳克使

宣諭於赤嶺各樹分界之碑約不相侵至是公主薨遣使告哀仍請和不許使到數月始命有司為公主於光順門發哀輟朝三日天寶中連事西討進收黃河九曲拔其石堡城

正德二年三月復遣使請和且助國討逆詔遣南巨川報之明年二月又遣使來朝復請盟詔從之

大曆元年至十年凡七來朝貞十三年正月遣將馬重英率衆四萬寇靈州奪我水口填漢渠御史渠以弊屯田建中元年正月八蕃使太常卿少常倫至自大曆已後吐蕃陷我河隴諸州驛使前後數輩皆留之不遣邊上每俘獲其人亦令中官部純從之江嶺德宗初即位務以德綏遠方徵其俘囚五百人給衣一襲使常倫純還

其國與之約和仍勅邊將無得侵伐吐蕃使聞歸其人不知之信及蕃俘入境部落皆畏威懷惠寺又命倫為太常卿復使蕃中其年十二月倫至自蕃中與其宰相論欽明思等五十五人皆至獻其方物吐蕃見倫再至甚歡既館聲樂以娛之留九日而旋兼遣其渠帥報命倫一歲再往純域戎夷奉教無此之速也二年三月以萬年縣令崔漢衡為殿中少監持節使西戎初吐蕃遣使求沙門之善講者至是遣僧良瑋文素二人行每人歲一更之其年十二月入蕃使判官監察御史常魯與吐蕃使論悉羅等至自蕃中奏請改勅書以貢獻為進以賜為奇以領取為領之優詔降論曰前相揚矣不脩故事致此誤耳並從之三年九月崔漢衡與蕃使區頰贊至

自靈州乃約吐蕃以賀蘭汪州以彈箏峽西口隴州以
清水為漢界皆建碑以誌之期以是年十月十五日相
與同盟於境上其年十月以都督員外郎樊澤兼御史
中丞充吐蕃計會使約以來年正月十日會盟於清水
四年正月詔隴右節度使張鑑與吐蕃使尚結贊等盟
於清水會盟官崔漢衡等七人與結贊及宰相等七人
俱昇檀為盟夏四月吐蕃將士僧尼等至自沙州凡八
百人報元年之德

正元元年九月遣左監門御將軍康成使於蕃中且定
界是月鳳翔節度使李晟遣兵襲吐蕃之衆推沙堡入
破之焚其儲積斬蕃首扈屈律悉蒙等七人傳首京師
結贊等聞而大懼累遣使請和仍用永盟皆不許會馬

燧自河東至且保明其誠至乃許之二年九月吐蕃遊
騎及於好時京師戒嚴復遣左金吾衛將軍張猷甫等
統兵屯於咸陽其月二萬餘衆又殺鳳翔城下李晟出
兵禦之一夕而退其年十一月吐蕃陷我監州初賊之
來寇也刺史杜彥光使以牛酒犒之吐蕃謂曰我欲州
城以居之聽爾率其人而去彥光乃率衆歸麟州其年
十二月吐蕃陷夏州亦令刺史招跋乾曜率衆而復據
其城自是又殺銀州銀州素無城壁居者奔散蕃亦棄
之三年二月以前太子右諭德崔瀚為檢校左庶子兼
御史中丞充入蕃使四月至自鳴沙不數日瀚復以鴻
臚卿兼中丞又充入蕃使令瀚報蕃宰相尚結贊曰杜
希全職在靈州不可出境李規又已改官遣侍中渾瑊

充盟會使約以五月二十四日復盟於清水又令告而
結質以鹽夏二州歸於我然就盟會其年夏吐蕃皆盟
於平涼城八年山南西道節度使嚴震奏擊破吐蕃於
芳州及黑水堡焚其積聚并獻首虜九月劍南西川節
度使常臯攻吐蕃之維州獲大將軍論贊熱以獻十年
五月劍南西川節度使常臯又奏西山岷和城擊破吐
蕃三萬餘衆攻拔城柵斬首三千八百餘級獲其器械
牛馬其年八月先沒蕃中使李朝清歸自吐蕃十三年
正月贊普遣使農索昔賚表請和好帝以其豺狼之性
數負恩約不受表狀任其使欲歸其年七月常臯奏去
年二月十七日吐蕃於劍山馬嶺三路分軍下營僅經一
月進軍逼臺登城雋州刺史曹高任率諸將軍士并東

蠻子弟合勢接戰自朝及午大破之生擒大籠官七人
陣上殺獲甚衆十七年七月吐蕃陷我麟州殺刺史郭
鋒毀城隍大掠居人驅黨項部落而去次鹽州西九十
里橫槽鋒頓軍有蕃卒傳呼州僧延素策七人稱徐舍
人召其大陣沒勒支處引延素等疾趨至帳前皆馬革
揩手毛繩縲頸見一吐蕃年少身長六尺餘朱髮大目
乃徐舍人也命解縛坐帳中曰師勿懼予本漢人司空
英公五代孫也屬武后斷喪王室余高祖建義中泯子
孫流播絕域今三代矣雖代居戎職位掌兵要恩本之
心無涯故血族無由自拔耳此蕃漢交境也復九千里
至安樂州師無由東矣延素曰僧身孤親老敢祈全活
悲不自勝又曰余奉命率師備邊因求資食遂涉漢疆

辰轉東進至麟州城下城既無備援兵又絕是以援之
知郭使君是勲臣子孫必將活之不虞為亂兵所害適
有飛鳥使至飛鳥猶中驛騎也云術者上變召軍亟還
遂解縛歸之時詔命韋臯分遣偏將勒步騎合二萬出城
都西山南北九通並進逼棲鷄老翁故維州保州松州
誠諸以紆北邊故也其年九月常臯又奏大破吐蕃於
雅州十八年正月常臯又破吐蕃生擒大首領論莽熱
來獻至二十年吐蕃使臧河南觀察使論乞再等五十
四人來朝貢至二十一年三月以吐蕃贊普卒廢朝三
日命工部侍郎兼御史大夫張薦吊祭之七月贊普使
論乞教勃藏奉獻德宗皇帝山陵金銀衣服牛馬等陳
於太極殿庭

元和元年七月遣使論勃藏等來朝并獻方物二年春
吐蕃人歸日西蕃并遣後論思邪熱來朝并歸鄭叔矩
路泌之柩及叔矩男武延等一十三人叔矩正元初平
涼背盟所陷凡二十餘年竟不屈節五年五月命宰臣
杜佑等與吐蕃使議事於中書令聽且言歸我秦原安
樂州地自六年至十年遣使朝見并獻方物相繼不絕
十一年西川奏吐蕃贊普卒十二年吐蕃告哀使論乞
髯獻馬十匹玉帶金器等十三年宴吐蕃使於中書八
月吐蕃使論司熱等七人辭於宣政衙已事不退且徵
國使詔有司諭之方出勅今後入迴鶻吐蕃南詔使所
奏隨從不得過三十人新羅使不得過二十人迴鶻吐
蕃新羅使下合授正官不得過十人南詔不得過五人

其至十月吐蕃圍我宥州命夏州兵擊退之十四年三月詔蕃使論矩立歲等并後般來使並宜放歸本國八月復我益州及慶州方渠下營大軍至河州界其年復遣矩立歲來朝貢立歲自稱曰和好詔納其請遣還其年十月以太子中允張賈為太府少卿攝御史中丞持節克入蕃答請和好使尋貶賈為撫州司馬責其逗留不行也以卻同代之至其年十二月靈武奏吐蕃大軍營於黃河北煙塵數十里鳳翔進吐蕃表函一封西州奏吐蕃入雅州界時方鎮鄰接蕃界者皆奉詔溝擬東川節度使王涯上言臣道當出軍徑入賊腹有兩路一路從龍州青川鎮入吐蕃界直抵故松州城是吐蕃舊置節度之所一路從綿州威蕃柵入蕃界直抵柘鷄城

是吐蕃險要之地涯又陳備禦吐蕃要宣曰臣伏願陛下不愛金帛之費以釣北虜之心遣信臣與之定約曰犬戎為邊患者數矣能制而伏者惟有吐蕃如能發而深入殺若干人取若干地則授若干之賞開懷以示之厚利以啗之一戰之後西戎亦衰矣

長慶元年四月遣尚綺力陀思來朝并獻國信其月吐蕃使郭居簡朝貢兼遣宰相馬又遣使論約歲來請盟其年八月吐蕃請盟許之宰相欲重其事請告太廟太常禮院奏謹按肅宗代宗故事與吐蕃會盟並不告廟惟德宗建中末會盟於延門欲重其誠信時令告廟至正元三年會於平涼亦無告廟之文伏以事出一時又非經制策之典故亦無其文今參詳不合告從之十月

命宰相崔植等十四人與吐蕃使論納歲盟於郡城西
三會寺十一月又遣使論荅熟等來朝二年五月又遣
使論質等來朝并進馬六十匹羊二百口及銀器玉帶
等七月入蕃會盟使劉元鼎奏以五月六日與吐蕃盟
於問惶盧川是川蓋普之夏衙也中有城河流烏湍川
多紫薇樹其月吐蕃使論悉諾息等隨元鼎來謝十月
命太僕少卿兼御史中丞杜載持節充荅吐蕃謝會盟
使三年正月遣使論荅熟來賀正并進羊六百口四年
遣使來求五臺山圖

寶曆元年三月遣尚綺立熟來朝且請和好二年十一
月詔遣光祿卿兼御史大夫李銑持節入蕃充荅和好使
太和五年正月遣使論乞熟來朝六年又遣使論董勃

歲來朝九年正月遣使論籠熟來朝
開成元年遣使論悉立熟來朝正并獻國信及馬二年
遣使論監通等來朝先是遣宗正少卿兼御史中丞李
從簡入蕃其年五月至自蕃中進國信金銀器玉帶獺
褐犂牛尾朝霞氍毹雜藥并馬牛橐駝等詔以其信物頒
賜宰臣已下四年遣使論焦熟等來朝
會昌二年質普卒至十二月遣論贊等來告喪詔廢朝
三日仍令文武常參官四品已上就鴻臚寺吊其使者
詔遣將作少監兼御史中丞李璟持節入西蕃充吊祭
使三年正月璟至自吐蕃
大中三年春吐蕃宰相尚恐熟殺東道節度使以秦原
安樂等三州并石門木峽等七關款塞涇原節度使康

季榮以狀聞上命太僕卿陸耽往勞焉其年七月河隴
耆老率長幼千餘人赴闕下上御延喜殿觀之莫不懽
呼作舞更相解辨爭冠帶於康衢然後命善地以處之觀
者咸稱萬歲八月勅曰自西皇王之有國也何嘗不文
以守城武以集事恭諸二柄歸乎大寧朕猥荷至圖思
弘景業憂勤戒惕四載於茲每念河湟土強綿亘遐潤
天寶末犬戎乘我多難無力禦奸遂縱腥羶不遠京邑
事更十葉時近百年進士試能靡不竭其長策朝廷下
議亦皆聽其直詞盡以不生邊事為永圖且守舊地為
明理在苒於是收復無由今者天地儲祥祖業垂佑左
衽輸款邊壘連降創業建功所謀必克實賴樞衡妙美
將帥雄稜副玄元不爭之文絕漢武遠征之悔甌脫頓

空於內地斤俟全據於新封莫大之休指期而就况將
士等擲風沐雨暴露郊原披荆榛而刁斗夜嚴遂豺狼
而窮廬曉破動皆如意古無與京念此識動宜加寵賞
涇原宜賜絹六萬疋靈武宜賜絹五萬疋鳳翔邠寧各
宜賜絹四萬疋並以戶部產物充仍待季榮叔明玘君
緒各領征師到本鎮度支差脚兩司各差人押領送至
本道分付令充節級優賞四道收州收闕有功劳軍將
各宜具名御聞券當議甄獎原州秦州威州并七關側
近訪聞土地肥沃水草豐美如有百姓要墾闢耕種五
年不加賦稅五年已後量定戶籍使任為產業溫池有
鹽頗聞厚利如置推稅可儉邊陲仍委度支計度制置
聞奏四道長吏如能各於鎮守處遣官健營田度支出

牛糧種子每年量得多少充軍糧亦不限約定數原州秦州威州并七關鎮守官健每人各給衣料兩分一分依常年例支給一分分度支加給仍二年一度替換其家口委長吏切加安存官健有庄田戶藉者仰州縣放免雜差後秦州至隴州已來道路要置堡柵與秦州應接李玘與劉臯即便計度聞奏高賈往來興販貨物任澤利潤一切聽從關鎮不得邀頡其官健父兄弟要往通傳家信不限多少任去如要墾闢種田依百姓例處分三州七關如火器伏長吏與量據所要申奏除授刺史關使後三五月內差人巡檢有如脩築部署課績殊尤并訓練有度者其刺史關使雖新授官爵亦更與超昇其官健節給更於優賞山南西道劔南西川邊界

沒蕃州縣量力復其兵士委本道差遣如要錢物接借亦具聞奏三州七關創置戍卒且要務靜如有羗戎潛來博易輒不得容受委刺史關使切如禁斷或有投降吐蕃到邊上收取本道令長史奏取進止其京城有犯事合流後囚徒從今已後一切配在十處收管嗚呼七關要害三郡膏腴候館之殘址可尋唐人之遺風尚在遣懷往事良用興嗟夫取不在廣貴保其金湯得必有時詎計於遲速今則便務脩築不進干戈必使足食足兵有備無患載洽亭育之道永致生靈之安遠通臣寮宜体朕意

咸通七年十月沙州節度使張義潮奏差迴鶻首領僕固俊與吐蕃大將尚恐熱交戰大敗蕃寇斬尚恐熱傳

首京師

唐會要卷第九十七

唐會要卷第九十八

- 迴紇
- 西麩
- 昆弥國
- 林邑國
- 白狗羗
- 曹國
- 殊柰國
- 拔野古國
- 党項國

迴紇在薛延陀北境居近娑陵水去京師六七九百里
 勝兵五萬口十萬先屬于突厥初有時健侯斤死有子
 曰菩薩部落以為賢而立之由是大振菩薩勁勇有膽
 氣善籌策常以少制衆其母烏羅渾主知諍訟之事平
 次嚴明其地沙鹵有大羊而足長五寸正觀二十一年
 正月率衆内附
 顯慶三年十二月以迴紇故煩龍州刺史吐迷度子娑

閏授古衛大將軍

龍朔三年二月移燕然都護府于迴紇都落仍改名瀚海都護府其瀚海都護府移雲中古城改名雲中都護府仍以頡為界磧以北諸為蕃州悉隸瀚海磧南並隸雲中婆閏卒子比來粟代立比來粟卒子獨解支立其都督親屬及部落征戰有功者並自磧北移居甘州界故天寶末取驍壯以充赤水軍騎士在磧北者自則天後並烏默啜所役屬仍別立都督以統之獨解支卒子匐帝立為河西經略副使兼赤水軍使

問元七年匐帝卒贈特進遣使吊祭子承宗立承宗為涼州都督王君奭誣奏長流滾州而死其部落猶存天寶初迴紇葉護逸標苾龍襲滅突厥小殺之孫烏蘓米

施可汗未幾自立為九姓可汗由是至今兼九姓之號因而南徙居突厥舊地依烏德捷山盟昆河居烏雖行逐水草大抵以北山北中國之長安城直南去西城一千七

百里

西城即漢之高闕塞

北去磧口三百里有十一都督九姓部落

一部落置一都督於本族中選有人望者為之破拔悉蜜及葛邏祿皆收一部落各置都督一人每行止戰關以二客部落為鋒其九姓一日迴紇二日僕固三日渾四日拔曳回野古拔五日同羅六日思結七日契苾以上七姓部自國初以來著在史傳八日阿布思九日骨崙屋骨思此二姓天寶後始與七姓齊列天寶三載三月朝廷以逸標苾有誅烏蘓米施功封為奉義正及破拔悉蜜自稱骨咄祿毗伽闕河汗又遣使朝貢四載加授特進

五載冊為懷仁可汗六年逸標苾卒子磨延啜立國人號為葛勒可汗磨延啜勇悍善用兵十五載迴紇吐蕃各使請和親助國討逆葛勒可汗棄子葉護以精騎三千隨朔方節度使郭子儀討賊至德元年七月肅宗即位于武陵二載五月朔駕在彭原四月官軍為賊將安守忠所敗于清渠北乃遣中官竇議使於迴紇令發其兵九月迴紇遂遣太子葉護領蕃兵四千餘人來助討賊葉護入見肅宗親晏慰賜以金帛廣平王豫領朔方安西迴紇南蠻大食之衆十五萬討安慶緒既戰大敗逆賊遂收東京十一月迴紇至東京勅百官於長樂驛迎上御宣政殿引葉護宣慰其餘酋長列于階下錫錦綉繒絲銀器物甚多葉護辭歸

帝謂曰能為國家就大事者鄉力也何遽去耶葉護奏曰迴紇戰兵留在沙苑欲更為陛下收范陽馬少不足以討除餘孽請且歸靈夏已北取馬用濟事其優詔之仍許和親

乾元元年六月遣達亥阿波刺史來迎公主拜開府儀同三司并獻馬五百疋貂裘白氍毹等又遣宰相帝德頗驍將三千人助國討逆七月冊命葛勒可汗為英武威眈伽可汗封幼女為寧國公主以降焉八月遣王子骨啜特勒九月遣大首領蓋將軍等謝主下降文賜三婦人來謝二年四月威武眈伽可汗卒長子葉護先被害小子移地建立是為登里可汗寶應元年四月迴紇演者裴羅等十八人來朝八月可

汗自將精騎五千南踰太原晉絳屯兵于陝州平陸縣
遣使奏請助王師討平殘寇是日引其使晏於延英殿
賜物有差命左散騎常侍兼御史大夫尚衡使於迴紇
軍宣慰可汗遣弟右殺領精騎三千與行營節度使僕
固懷恩破逆賊史朝義於北邙山二年正月可汗辭還
蕃六月冊命為頡咄登密於合俱錄英義建功毗伽可
汗
大曆十三年六月河中府朔方將士劫迴紇使輜重因
大涼河中坊士迴紇格戰死者數千人十月迴紇復太
原河東節度留後鮑防出師與迴紇戰于曲陽我師敗
績死萬餘人十四年英義建功可汗為其下所殺
建中元年六月冊迴紇合骨咄祿毗伽可汗為武義成

功可汗命京兆尹源休持節冊立初德宗遣中官梁之
秀告哀於迴紇且修舊好可汗移地健不為禮而九姓
胡素屬於迴紇者又陳中國便利以誘其心其相莫
賀達干諫不聽恩人之怒擊殺之并殺其親信及九姓
胡所誘來者凡三千人頓莫有立號為合骨咄祿毗伽
可汗使其酋長聿達于隨文秀來朝故命休冊拜焉
三年六月以兼光祿卿李涵為散騎常侍充吊冊迴紇使
正元三年八月迴紇使合闕將軍歸蕃初合闕將虜命
請婚于我許以咸安公主嫁之命公主見合闕于麟德
殿直令中謁者賈公主畫圖賜之可汗四年十一月迴
紇公主及使至自本蕃德宗御延喜門以觀之可汗喜
於和親其禮甚恭乃喜言曰子婿半子也父若患於西

戎子也當遣兵除之又罵辱吐蕃使者乃使其宰相等率眾千餘人及妹吐骨祿毗伽公主姨迷叔咄祿公主及職使大首領等妻妾凡五十六婦人來迎可敦娉馬二千匹勅令朔州及太原分留迴紇七百餘人其宰相大首領等至者館於鴻臚寺召迴紇公主及使者對於麟德殿頒賜有差詔以成安公主出降迴紇可汗仍特置府官屬並同親王府十一月冊合骨咄祿武義成功可汗為天親可汗五年七月公主至衙帳迴紇使李義進請因成安公主下降改紇字為鶻字蓋欲夸國俗俊捷如鶻也德宗允其奏自是改為迴鶻其年九月天親可汗卒子多邏斯立國人謂之判官特勒詔冊為登里邏沒密施俱祿忠正毗伽可汗以鴻臚卿兼御史中

丞郭降為吊冊迴鶻使至六年四月忠正可汗卒子阿啜立十月郭降至日迴鶻初降奉使冊忠正可汗是歲忠正為弟所殺而篡立時迴紇大將頡利迦斯西擊吐蕃未迴及四月其次相率國人殺篡者而立忠正之子為可汗方年十六七及六月頡于迦斯西討迴將至牙帳次相等懼其復有廢立不欲漢使知之留降教令迴及頡于迦斯之至也可汗等迎于郊野盛陳降所關國信噐弊可汗與次相等皆俯伏自言廢立之由且請命曰今日惟大臣生死之悉以所陳噐弊贈頡于迦斯以悅之可汗又拜泣曰兒愚幼無知今幸得立惟仰食阿多國政悉不敢聞也迴鶻謂父曰阿多七年二月詔冊阿啜為奉誠可汗遣鴻臚少卿御史大夫庾徒持節吊

祭冊命之四月迴鶻遣使聿支達于等來朝且告小寧
國之喪小寧國崇王琬之女寧國將有行肅宗念其遠去故遣勝之及歸寧遂留虜中國人號為小寧國公主也九月
敗吐蕃於北庭使獻捷十年四月奉誠可汗卒奉誠無
子國人立其相骨咄祿將軍詔冊為滕里邏羽祿沒
密施合胡祿骨咄祿毗伽懷信可汗五月令秘書少監
兼御史中丞史館脩撰張薦持節吊祭冊立之其骨咄
祿將軍本姓跌跌少孤為迴鶻大首領所養及長有武
藝辯慧自天親可汗時已掌兵馬衙官諸大首領多敬
服之奉誠無嗣國因奉為王其天親以上諸可汗有子
見幼小者並送闕庭至德後迴鶻于中原有功故懷信
可汗不敢言奉誠從人望也
永正元年懷信者可汗卒使來告喪十一月冊命可汗

為愛登里邏泊德密施俱錄毗伽可汗未詳愛登里邏與懷信何親史並不載
以鴻臚少卿兼御史中丞孫杲持節充吊祭冊立使至
元和元年二月凡三朝貢三年二月迴鶻使來告咸安
大長公主之喪廢朝三日公主德宗第八女也本降天
親可汗卒子忠正可汗立忠正可汗卒子奉誠可汗立
奉誠可汗卒國人立其相是為懷信可汗皆從胡法維
尚公主在蕃凡二十一年卒冊贈燕國大長公主賜謚
曰襄穆三月御麟德殿對迴鶻使多覽將軍等賜白綵
錦衣服銀器有差自迴鶻請脩蕃臣之禮五年後界遣
使朝貢六年迴鶻可汗卒遣使掘野居葛勒將軍來告
喪七年正月冊命可汗為軍登里邏骨德密施合毗伽
可汗命檢校工部尚書鴻臚卿兼御史大夫張茂宣持

節吊祭冊立之八年四月迴鶻請和親伊珠難還蕃宴
于三殿贈銀器繒帛九年僕固昌來朝十一年正月御
麟德殿引對迴鶻使賜錦綵銀器有差三月又遣使押
進橐駝九頭馬八十匹十一年迴鶻可汗卒遣使來告
喪十一月冊迴鶻可汗為愛登里邏骨沒密施合毗保
義可汗命宗中正少卿兼御史中丞李孝誠持節吊祭
冊立之十五年三月御麟德殿引見迴鶻使合達子苾
許其南王其月封第九妹為永安長公主降嫁迴鶻可
長慶元年三月保義可汗卒輒朝三日四月冊迴鶻可
汗為君登里邏羽錄密施勾主祿毗伽崇德可汗五月
迴鶻宰相都督公主麾尼苾至迎所降公主也初保義
可汗求婚許降以永安公主保義既卒則宜改定而猶

人固請永安尋以第五妹封太和公主出降迴鶻命中
書舍人正起就鴻臚寺宣諭焉上御麟德殿對迴鶻使
及公主五十人苾賜錦繒銀器有差六月勅太和公主
宜特置府命宰相杜元穎克五禮使迴鶻宰相并公主
獻駝褐胡錦白練貂鼠裘鴨頭子玉要帶苾馬一千匹
駝五十頭日七月冊太和公主為仁孝端麗明智上壽
可敦命左金吾衛大將軍兼御史大夫胡証為送公主
及冊可汗使光祿卿兼御史大夫李憲為之副三年崇
德可汗卒其從父弟曷薩可汗立遣使來告喪冊曷薩
可汗為君登里汨囉沒密施合毗伽可汗命工部尚書
兼御史大夫鄭權吊祭冊立之寶曆中頻使朝貢至太
和六年為其下所殺其從子胡特勒立遣使告喪為之

廢朝詔冊胡特勒為君登里邏汨沒密施合毗伽可汗
命左驍衛將軍兼御史大夫唐弘實持節吊祭冊立之
開成四年其勿薦公引山北沙陀攻圍之可汗自殺國
人立勿薦公為署颺可汗未受冊命連年飢疫羊馬死
者被地又大雪為突武祖即位遣時澤王溶告喪始知
易代其年為點曼斯所害其國分散有烏希特勒者曷
薩之弟胡特勒之叔也亦率眾南奔至錯子山乃自立
為可汗居塞上朝廷遣鴻臚卿賈右將軍王會往宣
諭分邊修以振食之兼就大同川還其馬價絹且冊為
可汗遣將作少監兼御史中丞苗鎮持節駐于河東待
其底定然後受而可汗違背恩德侵劫諸部落旋又擅
入雲州將入抵武王以為天亡數盡不可容也乃命河

東等遣兵討之

會昌三年正月諸軍大破迴鶻於殺胡山虜帳中奉
太和公主歸于我軍其特勒以下大眾數萬人盡降獲
其所後所賜勅書可汗亦被瘡與百騎踰山遁走捷書
至宰相率百寮閣中稱賀先是迴鶻宰相唱沒斯特勒
將其家屬及麾下數千人來降上嘉之降書撫納仍賜
姓李氏封懷化郡王改名思忠賜甲第于永樂坊并家
屬遣所在給傳赴闕其軍士分于諸鎮收管用壯騎兵

西廳

西廳者南寧之渠師自云本河東安邑人七代祖事晉
人為南寧州太守屬中國亂遂王蠻夷梁元帝時南寧
州刺史徐文威徵諸荊州有廳瓚者遂據南寧之地延

袤二十餘里俗多華人震玩統其衆高祖受禪拜翫子
弘達昆州刺史令持其父屍歸葬本鄉段綸又遣俞大
施至南寧諭之部落歸款武德三年七月二十四日來
貢方物

昆弥國

昆弥國者一日昆明西南夷也在懸之西洱河為界即
葉榆河也其俗與突厥畧同去京師九千里勝兵數萬
人相傳云與匈奴本是兄弟國也漢武帝得其地入益
州郡部其後復絕諸葛亮定南中亦所不至
武德四年雋州治中吉弘偉使南寧因至其國諭之至
十二月遣使朝貢因求內附自是每歲不絕其使多由
黔南路而至近又封其別帥為滇王代襲其國

正觀十九年四月二十日右武侯將軍梁建方討蠻降
其諸也七十二所戶十萬九千三百遣使往洱河有數
十百部落大者五六百戶小者二三百戶無大君長有
數十姓以楊李趙董為名家各擅一州不相統攝自云
其先本漢人有城耶村邑自夜郎滇池以西皆云莊蹻
之餘種也其土五穀與中夜同以十二月為歲首

林邑國

漢日南象郡之地其先因漢女子徵則之亂是後功曹
子區連殺縣令自號為王無子其甥熊代立晉宋已來
恒通中國其地恒溫不識冰雪常多霧雨人能用擘以
藤為甲王出則列象千頭信佛法以二月為歲首稻歲
再熟有結遼鳥結解人語

蓋為之結了鳥
音訛也

武德六年二月其王梵志遣使朝至 正元四年又貢
火珠大如鷄卵圓白皎潔狀若水晶正午向日以艾承
之即火燃八年又獻白鸚鵡情識辨意善於應答太宗憫
之並付其使令放歸林藪十四年其國獻通天犀一十
枚諸寶稱是永徽摠章中有王鉢迦舍跋摩累獻馴象
先天開元中其王建多達摩又獻馴象沉香琥珀等天
寶八載其王盧陀羅使獻真珠一百條沉香三十片鮮
白氎二十隻自至德後遂改稱還王國不以林邑為號
正元九年還王因遣使貢犀牛上令見于太廟
元和四年八月安南都護張舟奏破環王國偽驩爰州
都統殺三萬餘人獲其王子五十九人器械戰舡戰象稱之
咸通二年十二月殺安南府遣神策將軍康承訓率禁

軍并江西湖南之兵赴援

先是太中末安南都護李琢貪暴侵刻獠民郡獠引蠻攻安南至咸通三年大徵兵

赴援天下盤動其年東蠻境陷交趾

真臘國

在林邑之西南本扶南之屬國也南接車渠西接末江
國其王姓劉利氏其俗東向開門國以東為上有戰象
五千頭梁大同中始并扶南而有其國都伊奢那城風
俗與林邑同武德六年十月遣使來朝
正觀二年十一月又與林邑國俱來朝貢太宗嘉之賜
賚甚厚今南方人為真臘國為曼國自神龍已後其臘
分為二半以南近海多陂澤處今謂之水真臘半以北
多山阜處今謂之陸真臘亦為之文單國正觀中累遣
使朝貢永徽二年遣使獻馴象

聖曆元年開元五年天寶九年並遣使朝貢并獻犀牛
夫真臘國者其境東西南北約皆八百里東至奔陀浪
洲西至墮羅鉢底國南至小海北至陸真臘國其王所
居城號娑羅城提拔國之東有小城皆謂之國其國甚
多象餘所出物產及言語與真臘同

白狗羗

西羗之別名與會州連接勝兵一千白蘭羗亦西羗之
別種風俗並與党項國同武德六年十二月遣使朝貢
正觀五年十二月其渠帥並來朝
永徽二年十一月特浪生羗卜樓莫各率衆萬餘戶詣
茂州歸附其年正月生羗大首領凍就率部落內附以

其地置建州顯慶中白蘭為吐蕃所併收其兵以為鐔
開元二十九年益州長史張仇兼瓊奏其國及索摩等
諸州籠官三百餘出至奉川望淮女國等例簡擇許令
入奏餘並就奉川宴賞放還從之其年十月白狗國四
品籠官蘇唐封及狗十川品五籠官薛阿封管至各賜
紫金及帛以遣之正元九年七月其王羅陀葱又與
女國等詣劍南西川節度使常臯內附謁授試太常卿
兼保州司馬至今子孫承襲其爵

曹國

理那蜜水古康居之地俗與康國同附于突厥勝兵千
餘人好淫祠罄資產而無悔去瓜州六十里
武德七年七月朝貢使至云本國以臣為健兒聞奏王

為神武願在麾下高祖大悅
正觀十一年至開元中朝貢不闕
天寶元年其王哥邏僕使獻方物三載詔封其至為懷
德王四年哥邏僕羅上表自陳魯祖以來回天可汗忠
赤常受徵發望乞恩慈將奴國土同于唐國小子所湏
驅遣奴身一心為國征討十一載其王設阿忽與國制
王野解及九國王並上表請同心擊黑衣大食玄宗宴
賜慰喻遣之又有中曹國在西曹國之康國之北其所
治謂之迦布底真城在平川其文長大工于戰又有西
曹國理邠蜜水南瑟底痕城東南去康國一百里西北
至河國二百里南與史國界接北與波覽國界接其城
東北四十里有越于底城內有得悉神遠近敬信之有

金又金破羅濶一丈五尺每日所祭羊馬千人食之不
盡并有金銀器胡書題云漢天子所賜神器隋天業中
始通武德以後常脩蕃禮

殊柰國

崑崙人也 在林邑南去交趾海行三月餘日習俗文字
與婆羅門同絕遠未常朝中國正觀二年十月使至朝貢

拔野古國

在僕骨東境勝兵一萬口六萬人皆殷富其地東北一
千里曰康干河有松木入水一二年而化為石其色青
有國人居住其人謂之康干石人皆著木脚兵上逐鹿
其國東北六日行至鞠國有樹無草無羊馬有鹿如中
國牛馬使鹿牽車可勝三四人衣鹿皮鹿食地苔自鞠

國東行十五日至俞折國土地廣大百姓多風俗與拔野同少牛馬地多豹鼠骨吐鞠國北有大漢國饒羊馬其人極長大長者至丈三四其國云北有骨帥國與大國漢相接戶萬五千勝兵三萬

霽殊立

匈奴之便種亦與靺鞨為隣勝兵萬人並臣于頡利習俗與突厥畧同其渠師號為俟斤正觀三年朝貢至二十一年列其地為寶顏州即以其酋長為刺史先是太宗蕩平突厥其蕃望多授以侍衛之官沙漠之人素愛錦蜀太宗既招來遐域特賜其好者用錦文所用舊縷而錯綜其色花葉翔走事各殊形每頒賜其酋長大為崇寵

顯慶五年以其首領李含珠為居延都督自後無聞焉

党項羗

在古析支之地漢西羗之別種魏晉已降西羗微弱周滅宕昌鄧至之後党項始強南雜春桑迷桑等羗北連吐谷渾其種每姓別自為部落一姓之中後分為小部落大者萬餘騎小者數千騎不相統一有細封氏費聰氏往利氏頗超氏野辭氏旁當氏米貪氏拓拔氏最為強族俗皆土著有棟宇織罽牛及羊毛覆之俗尚武無法令賦役其人多壽年至百五六十歲不事生產好為竊盜牙相凌劫尤重復讎人未必得蓬頭垢面跣足蔬食要斬讎人而後復常男女並皆衣裘褐仍披大氊不

知耕稼土無五穀氣候多風寒以犂牛馬驢羊豕為食
五月草始生八月雪霜降求大麥于地界醞以為酒妻
其廢母及伯叔母嫂子等之婦淫穢蒸報諸夷中最为
甚然不婚同姓老死者則仰天云枉而悲哭焚之名為
大葬無文字但候草木以記歲時
正觀三年南會州都督鄭元璠遣招諭其長細步賴舉
部內附亦自入朝列其地為軌州拜步賴為賴刺史其
後請部相次內附列其地為峇奉巖遠四州各拜道領
為刺史五年詔遣使開其河曲地為六十州內附者三
十四萬口有羗酋拓拔赤詞者甚為渾主伏尤所暱與
之結婚屢坑官軍後與其從子思頭並率眾與諸首領
歸款列其地為懿嵯麟可等三十二州以松州為都督

府羈縻存撫之拜赤詞為西戎州都督賜姓李氏自是
從阿首大積石山已來並為中國之境後吐蕃強盛拓
拔氏漸為所逼遂請內徙始移落于慶州因置靜邊等
州以處之故地陷於吐蕃其處者為其後屬吐蕃謂之
弭事又有黑党項在水之西李靖之西討也渾主乞伏
奔之處以空閑之地及吐國渾舉國內屬其黑党項首
領號敦善 年因貢方物其雪山党項姓破丑氏居山
之下正觀初亦常朝貢又有白狗赤桑白蘭等諸羗自
龍朔以後並為吐蕃所破而服屬焉其在西北邊者天
授三年內附凡二十萬口分其地置朝吳浮歸等十州
仍散居靈夏等界內自至德已後常為吐蕃所誘密以
官告授之使為偵導故時或侵叛尋亦抵寧至寶應初

其首領來朝請助國供靈州軍糧優詔褒美其在涇隴
州界者至後上元元年率其衆十餘萬詣鳳翔節度使
崔光遠請降

寶慶元年十二月其歸順州部落乾封州部落歸義州
部落順化州部落和寧州部落和義州部落寶善州部
落寧定州部落羅云州部落朝鳳州部落並詣山南西
道都防禦使梁州刺史臧希讓請州卯讓以聞詔之
正元三年十二月初禁商估以口馬器械于党項部落
貨易十二年二月六州党項自石州奔過河西党項有
七府部落曰野利越詩龍兒野利厥律兒黃野海野宰
等居慶州者號為東山部落居夏州者號為平夏部落
永泰大曆以後居石州依水草至永安城鎮將何使那

思棟擾其部落求取駝馬無獻中使又贊成其事党項
不堪甚弊遂率部落奔過河

元和元年七月宰相杜佑上疏曰伏見近者党項與西
戎潛通屢有降人指陳事蹟而公卿廷議以為宜當謹
兵備戒戎軼益發甲率邀其寇暴此蓋未達事机匹夫
之常論耳夫蠻夷猾夏唐虞已終周宣周興獫狁為害
但命南仲往城朔方驅之太原及是而止誠不欲弊中
國怨夷遠也泰平大國恃其兵力北築長城以拒匈奴
西逐諸羌出于塞外勞力擾人結怨階亂中國未靜賊徒
競起海內雲擾實生謫戍漢武因文景之富命將與帥
遂至戶減半竟下哀痛之詔罷田輪臺前史書之尚加
其迷而後復蓋聖王之理天下也惟務綏靜蒸人西至

流東漸于海在南與北示存聲教不以遠物為珍重
求遐方人貢豈疲內而事外終得少而夫多故前代納
忠之臣並有君之議淮南王請息師于閩越賈捐之願
棄地于朱崖安危利害高懸前史昔馮奉世矯漢帝之
詔擊莎車傳其王首于京師威振西域宣帝大悅議加
爵土之賞蕭望之獨以為矯制違命雖有功效不可為法
恐後之奉使者爭遂發兵為國家生事述理明白其言
遂行國家自天后以來笑厥默啜兵強氣勇屢寇邊城
為害頗甚開元初邊將郝靈荃親捕斬之傳首闕下自
以為功代莫二坐自望寵爵宋璟為相慮武臣邀功為
國生事止授以郎將由是訖開元中無人復議開邊中
國遂寧外夷亦靜此皆成敗可徵鑒誠非遠其党項小

蕃雜處中國本懷我德當示撫綏間者邊將非廉臣有
侵刻或利其善馬或取其子女使賄其方物徵為役徒
怨苦既多叛亡遂起或與北狄通使或與西戎寇連有
為使然固當懲革傳曰遠人不服則修文德以來之管
子曰國家無使勇猛為邊境此誠聖哲識微知著之遠
畧也今戎醜方強邊備未實誠慎擇良將誠之完葺使
知誠信絕其求取用示懷柔來則懲禦去則謹備自然
彼懷我德革其奸謀何必遽圖興師坐致勞費陛下上
聖至仁覆育群類動必思古謀無不臧伏望堅保永圖
置兵裨蒞實天下幸甚上深嘉納之九年五月復置
宥州以護党項十五年七月益州送到劫烏自池鹽
女子拓拔三娘并婢二人召入內誥之郝罪送本州其

年十一月命太子中允李寮為宣撫党項使以部落擊
富至今遠近商賈責雜贈諸貨入其部落貨其牛馬至
太和開成之際其蕃鎮統領無緒恣其貪恠不顧危亡
或強市其羊馬者不時償其直以是部落苦之遂相率
為盜靈鹽之路小梗會昌初上頻命使安撫之兼命憲
臣為使分三印以統之在邠寧廊延者以待御史內供
奉崔彥曾

唐會要卷第九十八

唐會要卷第九十九

東謝蠻 西趙蠻 样柯

東女國 婆利國 倭國 大羊同國

烏羅渾國 女國 石國 吐火羅國

雲陵國 康國 盤盤國 朱俱婆國

甘棠國 蜀賓國 流鬼國 史國

拂菻國 烏菴國 耨佗洹國

東謝蠻

在黔州之西數百里南接守宮獠西連夷子北至白蠻
土宜五穀無字刻木為契散在山谷依樹為居無稅賦
之事皆自為生業刀劍不離身男女椎髻以緋束之後
垂向下其首領謝元深世為酋長謝氏一族法不育女

自云高姓不可下嫁之

正觀三年元深入朝冠烏熊皮冠若今之旄頭以金絡

額身披毛帔常皮行膝而著履中書侍郎顏師古奏言昔武王時天下太平遠國歸款周史乃習其

事為正會篇今万国未朝至如此筆章以其地為應州拜元深刺

史隸州都督府又有南謝首領謝強于西謝蠻連接共

元深俱來朝拜為南壽州刺史後改為莊州

正元十三年正月西南蕃大酋長正議大夫檢校蠻州

長史繼襲蠻州刺史資揚郡開國公賜紫金魚袋宋昇

左右大領首朝散大夫前檢校功州刺史賜紫金魚袋

謝汕左右大首領繼襲攝蠻州巴江縣令借紫金魚袋

宋昇萬傳界首子弟大首領朝散大夫祥州錄事參謝

文經黔中經略招討觀察使王礎奏前件刺史建中三

年一度朝賀自後更不許遂例入朝今年懇許稱州接

祥牂同被聲教獨此排擯竊自慚耻謹遣隨祥牂等朝

賀伏乞賜優諭兼同祥牂刺史授官其祥蠻兩州戶口

殷盛人力強大鄰側諸蕃皆敬憚請此兩州每三年

一度朝賀仍依祥牂輪還差定并以才幹位望為衆所

推者充勅旨宋昇等已改官訖餘依

西趙蠻

在東謝之南其界東至夷子西至昆明南至西洱河山

洞深阻莫知里數南北十八日行東西二十三日行其

風俗與東謝同趙氏世為酋長有萬餘石戶

正觀三年遣使入朝二十一年以其地至明州以首領

趙摩為刺史

样柯蜜

亦姓謝氏西至昆明九百里土氣蔚熱稻再熟無從後
刻木為器風俗物產與東謝同
正觀二年首領謝龍羽遣使朝貢授样柯州刺史封夜
郎郡公四年十二月遣使朝貢
開元十年閏五月大酋長謝元齊死詔立其嫡孫嘉藝
襲其官封二十五年其大酋長趙君道朝正獻方物
大曆中每歲遣使朝貢及正元初朝獻不絕至七年二
月授其酋長趙生俗官以其歲初朝貢不絕襲之也自
七年後至十八年凡五遣使來朝貢
元和二年五月初自今以後委黔南觀察使差本道軍
將充押領样柯昆明等使至四年正月又遣使來朝是

月遣中使魏德和領其使并賫國信物赴样柯國仍璽
書賜其王烏七年十二月遣使朝貢九年復遣使謝注
二十人朝貢十一年正月遣使來朝拜其酋長等官仍
賜告自一十六道遣還十二月又遣使二十五人賀正
召對於三殿仍賜宴及銀器錦綵等長慶中朝貢不絕
凡外夷使將至遣中使郊驛迎勞既至恩禮甚厚將歸
亦送之以懷遠人今悉不書省文
寶曆元年十二月遣使謝良震來朝自太和五年至會
昌二年凡七遣使朝貢并賀正皆寵以宴賜

南正蠻

北與部州接部落四千餘户山有毒草及沙風蝮蛇人
並棲居登梯而上號為干欄其人美髮為椎髻土多女

少男為婚法女氏必先賀求男族貧人無以為嫁女多
賣與富人為婢俗皆婦執後其王姓朱氏號為劍荔王
正觀三年遣使內附以其地隸渝州
大曆十四年十月吐蕃率南蠻衆十萬來寇一入茂州
過文川及灌且入扶文過方維白堪一入黎雅過邛邰
連陷郡邑乃發禁兵四千人及幽州兵馬五千人同封
大破之

正元十年三月劔南節度使常臯奏雲南蠻王異弁尋
領部落兵馬破吐蕃并收鐵橋等以來城壘等擒吐蕃
列王王人歸降百姓一十二萬人約計三萬餘戶大
小城一十六所勅旨宜付所司其年七月詔賜南蠻異
弁尋鑄印一用黃金銀為窠其文曰正元冊南詔印先

是劍南西川節度使常臯奏南詔前遣清平官尹求寬
獻所授吐蕃印五二用黃金今賜印請以黃從蠻夷所
重從之九月南詔又使濛濛羅棟及清平官尹求寬求
獻鐸梨樂浪人劍及吐蕃印八濛濛羅棟異弁尋之弟
也既朝見于麟德殿上所賜賚甚厚其年十月以南詔
朝貢使尹求寬為檢校左散騎常侍其餘授官各有差
至十一年九月異弁尋南詔獻馬六十疋至十二年常
臯奏于雅州會野路招受德投降蠻首領高萬唐等六
十九人蠻約七千戶二萬口其餘唐等先授吐蕃金字
告身五十片至十四年十二月南詔異弁尋遣首望大
將軍王丘各等賀正兼獻方物等至十九年春正月癸
丑朔上御含元殿受南詔朝賀使楊漢龍武試太僕少

卿兼御史授黎州郭清道蠻首領襲恭化郡王劉志遠使試太常卿

永正元年南詔遣使趙迦寬來赴德宗山陵

元和二年八月授南詔使者鄧傍傳試殿中監其年十

二月復遣使朝貢三年十一月以南詔異并尋卒廢朝

三日辛未以諫議大夫段平仲兼御史中丞持節充冊

立南詔乃吊祭使仍命鑄元和冊南詔印司封員外郎

李逢吉副之至四年正月以太常卿武少儀兼御史中

丞充冊立及吊祭使先是諫議大夫段平仲充使朝廷

以為諫官不合離闕因罷平仲使少儀遂有是行冊異

并尋之子驃信筮蒙閣勸為南詔至七年十二月南詔

遣使朝貢十年十一月日詔蠻使楊遷奇等二十九人

來朝至十三年四月劍南西川節度使奏南詔請貢獻

助軍牛羊奴婢等上發詔褒之不進獻

太和三年宰臣杜元隸鎮守西州以文儒自高不練戎

事南蠻乘我無備入寇黎州牧守屢陳皆不知信十月

黎州陷十一月犯我西川驅劫玉帛子女而去即日鄰

境以狀聞上大怒貶元隸為邵州刺史不入又貶為循

州司馬命東川節度使部釗代焉明年春正月其王蒙

醜顛以表自陳請罪無疏元隸過失國家方事柔遠尋

宥過自後職貢不絕

開成四年正月上御麟德殿入對朝賀正南詔趙首莫

三十七人賜官告并錦綵銀器金銀帶衣服等有差至

五年十二月上御三殿對歸國等十六人

會昌二年正月三殿對還蕃南詔酋望張元佐等二十
五人大中八年二月南蠻遣進犀牛詔還從之
咸通十年十一月南蠻驃信坦綽首龍率衆二十萬寇
舊州定邊軍節度都頭安再榮守清溪關為賊所攻再
榮退保太度河北去清溪間二百里隔水相射凡九日
定邊軍節度使竇滂勒兵拒之十二月驃信遣清平官
十餘人來偽和與竇滂語次蠻軍船楫競渡忠武武寧
兵士結陣抗之蠻軍稍卻竇滂懼將自縊於帳中徐州
將苗全緒止之滂乃霄遁全緒乃夜入蠻軍弓弩亂發
軍中大駭全緒等保軍而還蠻軍乘勝進攻西川朝廷
以顏慶復為大渡河制劔南應接等使將兵數萬與忠
武武寧之軍合勢戰于漢川之毗橋大捷蠻軍走解西

川之圍

乾符元年十二月南蠻復寇西蜀詔河東河西山南西
道東川之兵赴援節度使高駢奏兩川新舊軍差到已
衆况蠻延小醜必醜必易梧今以道路崎嶇館驛窮困
更有軍頓立見流移其左神策長武鎮廊州河東所抽
兵甲人數不少况備辦軍食費損尤多又緣三道蕃鎮
盡托羗戎邊鄙未寧望不差發詔除河東兵士令竇瀚
不要差發外餘三處兵士委高駢到日分布驅使三年
十一月邕州節度使辛謹奏南詔遣使段瑑寶等四人
謂通和詔令荅使許之至五年七月謹遣從事徐雲叟
通如凡水陸四十七種至善闡府遇驃信華言君遊獵尚
去雲南一十六程叙好而還進南詔錄三卷

東女國

西羗之別種

以西海中有女國故稱東女國也

俗以女為王東以茂州党項接

隔女羅蠻及白狼夷有十八餘城王所居名康延州中有新水南流用牛皮為舡以渡戶口四萬女王號為賓州有女官號曰高霜評議國事在外官寮並易夫為之五日一聽正女政若死國中多歛錢動至數萬更于王族求令女二人而立之大者為大王小者為小王若大王死則小王立之或姑死而婦繼無篡奪所居皆起重屋王至九層國人至六層其王服青毛裙下領衫其袖委重婦人而輕丈夫文字同于天竺以十一月為正每至十月令巫者賣酒餽詣山中散糟麥于空大吡呼鳥俄頃有鳥如雉飛如入巫者懷中因刻其腹視之有一

穀來歲必登若有霜雪必多異災其俗因之名為鳥卜武德中女王湯滂氏遣使貢方物

永徽七年正月其國遣女使高霸黎文并其主男三盧苾來朝垂拱二年其王歛臂遣大臣湯歛左來朝仍請官號則天拜歛臂為左衛負外將軍仍以瑞錦製蕃服賜之

天授三年其主俄瑛兒爾來朝萬歲

通天元年又遣使來朝

開元二十九年十二月其王趙曳夫遣子獻方物

天寶元年五月命有同宴之于曲江令宰臣以下同宴又封曳夫為歸昌王授在金吾衛大將軍賜其子帛八十匹放還後復以男子為王

正元九年其王湯立悉與哥鄰國王董臥庭白狗國王
羅陀念通祖國王弟鄧吉知南王國王姪薛尚悉曩弱
水國董僻和悉董國王湯息贊清遠國王蘓磨咄霸國
王董藐蓬谷率其種落詣劔南西川內附其哥鄰等國
皆散居西山弱水王即國初女國之若水部落其悉董
國在弱水之西故亦謂之弱水西悉董王舊皆分隸邊
郡祖父例授將軍中郎果毅等官自中原多故皆為吐
蕃所後屬其部落大者不過二三千各置縣令數人理
之土有絲絮歲輸于吐蕃至是立悉與之同盟相率獻
款兼贖天寶中國家所賜官告共三十九通以進節度
使常臯虔其衆於繼霸保等州給以種糧耕牛咸樂生
業立悉等教國王自來朝召見于麟德殿授立悉銀青

光祿大夫歸化州刺史鄧吉知誠大府少卿兼丹州長
史薛尚悉曩試少府少監兼霸州長史董臥庭行至綿
州率贈武德州刺史命其子利羅為保寧都督府長史
襲哥鄰王立悉妹乞悉湯頭有才智從其兄來朝封和
義郡夫人其大首領董臥卿等皆授以官俄有授女國
王兄湯厥銀青光祿大夫試太府卿遠王弟蘓曆顛銀
青光祿大夫試衛尉卿南王國王薛莫庭及湯息讚董
藐蓬女國唱後使湯佛庭美王鉢南郡唐並授銀青光
祿大夫試太僕卿其年西山松州王羗等二萬餘戶相
繼內附其粘信部落主董夢惹龍諾部落主董殿惹皆
授試衛尉卿立悉等並赴明年元會訖賜以金帛各遣
還八月詔加常臯統押近界諸蠻及西山八國使其部

部落至今猶代襲刺史等官然亦潛通吐蕃故謂之兩
面羗

婆利國

婆利國者南荒之國也在林邑東南海行可萬里其地
延袤數千里暑熱恒如中國之盛夏穀一歲再熟王姓
利邪伽名護路那婆世有其位人皆黑色耳附墻其王
服花冠飾以真珠瓔珞其王坐金牀行則駕象鳴鼓吹蠶
正觀四年四月使至婆利界有羅刹國其人極陋未髮
黑身獸牙鷹爪特與林邑人作市已夜而自掩其面其
國出火珠狀如水精日正午時以珠承影取艾衣之即
火出其年林邑國未獻云羅刹國得之或云出師子國
其國在西海之中出奇寶商人到則不見但署寶物價

直賣於州上商人依價貨之而去以能養子故以為國名

倭國

古倭奴國也在新羅東南居大海之中世與中國通其
王姓阿母氏設官十二等俗有文字敬佛法推髻無冠
帶隋煬帝之衣冠令以錦綵為冠飾衣服之制頗類新
羅腰佩金花長八寸左右各教牧以明貴賤等級

正觀十五年十一月使至太宗矜其路遠遣高表仁持

節撫之表仁浮海數月方至

自云路經地獄之門親見其上氣色蒼
蔚又聞呼叫鐘鍛之聲甚可畏懼也

表仁無綏遠之才與王爭理不宣朝命而還由是復絕

永徽五年十二月遣使獻琥珀瑪瑙琥珀大如斗瑪瑙

大如五升噐高宗降書慰撫之仍云王國與新羅接近

新羅教為高麗百濟所侵若有危急王宜遣兵救之倭

國東海嶼中野人有耶古波耶多尼三國皆附庸於倭
北限大海西北接百濟正北底新羅西南與越州相值
頗有絲綿出瑪腦有黃白二色其琥珀好者云海湧出
咸亨元年三月遣使賀平高麗爾後繼來朝貢則天時
自言其國近日所出故號日本國蓋惡其名不雅而改之
大曆十二年遣大使朝揖寧副使和聰違朝貢
建中元年又遣大使真人興能蓋因官命也風調甚高善書翰
奉表獻方物真人興能其木國紙似璽而緊滑人莫能名
正元十五年其國有二百人浮海至揚州市易而還
永正元年十二月遣使真人遠誠等來朝貢
開成四年正月遣使藤原朝常嗣等來朝貢

大羊同國

東接吐蕃西接小羊同北直於闐東西千里勝兵八九
萬辯髮檀裘畜牧為業地多風雪冰厚大餘物產與吐
蕃同無文字但刻木結繩而已酋豪死抉去其腦實以
珠玉剖其五臟易以黃金鼻銀齒以人為殉卜以吉辰
歲諸巖穴他人莫知其所多殺牂牛草馬以充祭其王
姓姜葛有四大臣分掌國事自古未通中國
正觀五年十二月朝貢使至十五年聞中國威儀之盛
乃遣使朝貢太宗嘉其遠來以禮答慰焉至正觀末為
吐蕃所滅分其部眾散至隙地

烏羅渾國

蓋後魏烏洛侯也今亦謂之烏羅護東與辣羯南與契

丹北與烏丸為鄰風與靺鞨同 正觀六年朝貢使至
女國

在葱嶺之南以女為王每居層樓侍女數百五日一聽
政其王若死無女嗣位國人乃調斂金錢還于死王之
族買女而立之其俗貴女子賤夫夫婦人為吏職男子
為軍士女者貴者則多有侍男男子貴不得有侍女雖
賤庶之女盡為家長猶有數夫焉生子皆從母姓男子
被髮以青祿塗面婦人辮髮而縈之土宜六畜多駿馬
正觀八年十二月朝貢使至

石國

石國其俗善戰多良馬西北去瓜州六千里
正觀八年十二月朝貢使至

顯慶三年列其地噉羯城為大宛都督府仍以其王職
吐屯攝舍提於屈昭穆為都督

開元初其蕃王莫賀咄吐屯有功封為石國王加特進
尋又冊為順義王二十九年其王伊吐屯屈勒遣使上
表曰奴自千代已來於國忠赤祗如突厥騎施可汗忠
赤之中部落安胎後背天可汗脚底大起今突厥屬天
可汗在于西頭為患惟有大石莫踰突厥伏乞天恩不
棄突厥部落打得大石諸國自然安帖
天寶初累遣朝貢至五年封其王子那俱車鼻施為懷
化正并賜鐵券九載安西節度使高仙芝奏其王蕃禮
有虧請討之其王約降仙芝使部送去開遠門數十里
負約以王為俘獻于闕下斬之自後西域皆怨仙芝所

擒王之子西走大石引其兵至但羅欺城仙芝軍大為
所敗自是西附于大石至
寶應二年及大曆七年並遣使朝貢

吐火羅國

在葱嶺之西數百里與揖怛雜居勝兵五萬其國土蕃
多男子少婦人故兄弟通室婦人五夫則首戴五角十
夫則首戴十角男子無兄弟者則與他人結為昆季方
始得妻不然則終身無婦矣被服文字與于闐畧同北
有屋數頗黎山南崔穴中有神馬國人每牧馬于其側
產名駒汗血烏北界接漢西域大宛之地
正觀九年五月朝貢使至
永徽元年獻大鳥高七尺其色玄足如蛇鼓翅而行三

百里能噉鐵夷俗謂之駝鳥三年其葉護那史烏濕波
奉表告立高宗遣置州縣使王名遠到其國以所理阿
緩大城為月氏都督府仍分其小城為二十四州以烏
汪波為都督五年烏汪波遣子伊室達官弩以朝獻
龍朔元年授烏汪波使持節月支等二十五州諸軍事
月支都督
麟德二年遣其弟祖統多獻瑪腦燈樹兩具高三尺餘
開元七年其葉護支汗那帝賒上表獻解夫之人暮闍
請加試驗八年獻名馬及騾至十二年遣使獻胡葉乾
陀婆羅等二百餘品十七年冊其首領骨咄祿頓達度
為葉護其年葉護遣使獻須那伽帝釋麥十八年遣使
獻紅頰梨碧頰梨生馬腦金精及質汗等藥

天寶八載其葉護失理忙伽羅遣使上表曰臣鄰境
有一胡號曰鷄師居在深山恃其險遠違背聖化親附
吐蕃于國內冒吐蕃城投勃律要路與吐蕃擬將兵入
境臣每憂懼思破兇徒望請安西兵馬來載五月到小
勃律六月到大勃律伏乞先臣所奏事若不成請斬臣
七段緣失察王向漢中赤特望勅書宣殿使其感恩立
宗覽表許之十二載又遣使朝貢

乾元二年七月與西城九國遣兵助國討逆肅宗令赴
朔方行營

曇陵國

新隨大羅之屬國也居大州中其風俗土宜與墮火羅同
正觀十六年遣使朝貢

康國

本康居之苗裔也其王本姓溫氏其人土著後屬於突
厥先居祁連之北昭武城為匈奴所破南依葱嶺遂有
其地枝庶強盛分王鄰國皆以昭武為姓氏不忘本也
俗多葡萄酒勝兵三千人深目高鼻多鬚髯生子必以
食蜜口中以膠置手內欲其成長口嘗甘言持錢如膠
之黏物習善商賈爭分銖之利男子二十即送之他國
來過中夏利之所在無所不至以十二月為歲首有婆
羅門為其占星候氣以定吉凶至十一月鼓舞乞寒以
水相潑盛為戲樂
武德七年其王屋木支遣使獻名馬
正觀九年七月獻師子太宗嘉其遠至使祕書監虞世

南為之賦十一月又獻金桃銀桃詔令植于苑
永徽中其國頻遣使告為大石所攻兼徵賦稅
顯慶三年高宗遣果毅董寄生列其所居城為康居都
督府仍以其王拂呼縵為都督
萬歲通天元年則天封其大首領萬沙鉢提為王鉢提
尋卒又冊立其子泥涇師神龍中泥涇師卒又冊
立其子突昏開元初累遣使獻鑠子甲水精珠越諾
及侏儒人胡旋女子兼狗豹之類十九年其王烏勒上
表請封其子咄曷為曹國王默啜為米國王許之二十
七年烏勒卒遣使冊咄曷襲其父位
天寶三年又封為欽化王其母可敦封為郡夫人十一
載十三載並遣使朝貢

盤盤國

在林邑之南海曲中與狼牙之循國為隣習俗與扶南
畧同以路遠不與中國通梁大同時來
正觀九年朝貢使至

朱俱婆國

在葱嶺之北二百里勝兵三千人其俗崇飾佛法文字
同於婆羅門西與喝盤陀為鄰去瓜州三千八百里
正觀十年十二月朝貢使至

甘棠國

在大海之南崑崙人也
正觀十年與朱婆國朝貢同日至太宗謂群臣曰南荒
西域自遠而至其故何哉房玄齡曰當中國義安帝德

遐被也太宗曰誠如公言向使中國不安何緣而至朕何以堪之觀此蕃使益懷畏懼所望公等匡朕不逮也

蜀賓國

在葱嶺之南其地涇水皆南流注于南海人皆乘象土宜種稻麥甘蔗葡萄草木凌寒不死尤信佛法南去舍衛國三千五百里竿通上國聞中夏有聖君故遣使來朝正觀十一年遣使至上謂長孫無忌曰朕即位之初有上書者或言人主必須威權獨運不得委郡下或欲擢兵振武懾服四夷維魏徵勸朕偃武興文布德施惠中國既安遠人自服朕從其語天下大寧絕域君長皆來朝貢九夷重譯相望于道路此皆魏徵之力也朕之任用豈不得人二十二年其國遣使獻俱物頭花丹白相

間其香遠聞

永徽二年獻耨特鼠喙尖尾赤能食蛇

顯慶三年訪其國俗云王始祖磬薛今王曰曷禩支父子傳位已十二代其年列其城為修鮮都督府龍朔初授其王修鮮等十一州諸軍事兼修都督開元七年遣使獻天經及秘安藥方八年詔遣冊其王為葛邏達支特勒二十七年其王烏散特勒灑以年老上表請嫡子拂菻蜀嗣位許之仍降使冊命天寶四年又冊其子勃葡萄準為襲蜀賓及烏長國王仍授右饒將軍衛乾元元年又遣使朝貢

流鬼國

去京師一萬五千里邊北海多溫澤有魚鹽之利地氣

涇寒每堅冰之後以木廣六寸長七尺施系于其上以踐層冰遂及奔獸俗多狗以其皮毛為裘褐勝兵萬人南與方設鞞鞞鄰接未嘗通聘中國正觀十四年三月重譯而來朝貢

史國

居近獨莫水北與康國同城中有神祠每祭羊千口自隋以來國漸強盛乃創置使為乞城都邑二萬餘家正觀十六年正月朝貢使至顯慶三年遣果毅董寄生列其所治為祛沙州以其王昭武夫阿曷為刺史開元十五年其王阿忽必多延屯遣使獻胡旋女子及豹二十七年其延屯卒冊立其子阿忽鉢為王二十九年其王斯謹提立首領勃帝米施朝貢天寶中詔改其

國為來威國其那色波國亦謂之小史國為史國後屬

拂菻國

一名大秦在西海之國北東南與波斯接地方萬里列城四百邑居連屬其官室柱枕多以水精琉璃為之有貴臣十二共理國正事常使一人將囊隨王車百姓有事者即以事投囊中王至宮省發理其枉直其王無常人簡賢者立之國有災異及風雨不時即廢之有鳥似鵝其色綠色常在王邊倚枕上坐每進食有毒其鳥輒鳴戶十餘萬南臨大海城東面有一大門高二丈飾以黃金凡有大門三重第二大門之樓懸一金秤以金丸十二枚属于衡端以候日之十二時焉為一金人其大如人立於側每至一時其金丸輒落鏗然發聲金人

即應聲引唱以紀日時毫釐無失其殿以琴瑟為柱黃金為地象牙為門扇香木為棟梁無瓦以白石末塗居上如白石鳥盛夏之時引水潛上屋四簷飛溜激氣成涼風有羊生於土中其國人候其欲萌乃築墻以院之防外獸所食然其臍與地連割之則死惟人著甲走馬乃擊鼓以駭之其羊驚鳴而臍絕便逐水草諸珍寶多出其國隋煬帝常欲通之竟不能致

正觀十七年其王波多力遣使獻赤頗瑠石綠金精等物後臣大食國烏至乾封二年遣使獻底世伽大足元年復遣使朝貢

開元十年正月遣吐火羅大首領獻師子二零羊二四月又遣大德僧來朝

烏菴國

在中天竺南一名烏扶那地方千餘里百姓殷實人性懦弱頗詭詐尤工禁呪之術萬信佛法與天竺同而天竺不及之自古未通中國焉

正觀十六年十二月朝獻使至

開元八年四月遣使冊立其王時大食東與烏菴隣境扇誘為虐其王與骨咄王俱位王皆守節不應亦潛輸款誠立宗深美之故並降冊命

陀洹國

墮火羅西北其王姓察夫利字婆那其國海行五月至廣州土無蚕桑以白疊朝霞布為衣穀有稻麥俗皆棲居謂之干欄父母死停喪在室輒數日不食燔屍之後

悉立國

在吐蕃西南戶五萬勝兵五千人其地有城邑村落咸依溪澗男夫以繒絲纏頭衣羶婦人辮髮著短裙婚姻簡畧不行財禮以蒸報為俗多水牛宜秔稻喪制以黑為衣一年就吉羈事吐蕃自古未通中國
正觀二十年閏三月朝貢使至

求拔國

或云章揭拔本西羗種也在悉立西南居四山之內近西移出山西接東天竺遂改衣服變西羗之國因而附焉勝兵二千無城郭好為寇掠商旅患之
正觀二十年因悉立而朝貢使至

俱蘭國

前亦名俱羅拏國與吐火羅接南底雪山地險窄物產惟出金精
正觀二十年閏三月朝貢使至

骨利幹國

居迴紇北方瀚海之北二侯斤同居勝兵四千五百口萬餘人草多百合北出名馬其國北短名海晝夕短日沒後天色正曠煮一羊脾線熟而東方已曙蓋近日出之所也
正觀二十一年正月內附

阿陵國

在真臘之南海中洲王之所居堅木為城造大屋重閣以象為床以柳花為酒飲之亦醉有毒人與常人居止宿處即令身上生瘡與之交會即死若旋液霑著草木即枯
正觀二十一年朝貢使至

元和十年八月訶陵國遣使獻僧祇幢及五色鸚鵡頻伽鳥并異香

天寶十三年十一月獻僧耆女二人及玳瑁瑤生犀等

婆登國

在林邑之南海行二月東與阿陵西與迷黎連接北鄰大海風俗與阿陵國同種穀每月一熟有文字書于貝多葉其死者口實以金又以金釧貫于四肢然後加以婆律膏及沉檀龍腦等香積薪以燻之

正觀二十一年六月朝獻使至

波斯國

在京師西一萬五千三百里戶數十萬其王初嗣位便密選諸子方堪承統者名字封而藏之王死後大臣與

王之郡子共發封而視之奉所書名為王焉俗事天地日月水火諸神西域諸故事火祆者皆詣波斯受法焉以六月一日為歲首繫囚無年限惟王代立則釋之地多名馬駿者日行七百里又多駿犬今所謂波斯犬也出賧大驢正觀二十一年其王伊嗣俟遣使朝貢龍朔元年其國王卑路使奏頻被大食侵擾請兵救援之詔遣隴州南田縣令王名遠充使西域分置州縣因列其地域陵城為波斯都督府授卑路斯為都督是後數遣使貢獻咸亨中卑路斯來朝貢高宗甚加恩賜拜右武衛將軍儀鳳三年令吏部侍郎裴行儉將軍兵冊送卑路斯還波斯王行儉以路遠至安西碎葉而還卑路獨返不得入其國漸為大食所侵客於吐火羅

二十餘年部落數千人後漸離散至景龍二年來朝拜為左威衛將軍無何病卒其國遂滅西部衆猶存自開元七年至天寶六載凡十遣使來朝并獻方物夏四月遣使獻瑪瑙床九載四月獻大毛繡舞筵長繡舞筵無孔貞珠至大曆六年九月遣使來獻朝貞珠等

都播國

鐵勒之別種也南統迴十三日行前代未之通也分為三部自相統攝其俗結草為廬無牛羊不知耕種土多百合取其根以為糝衣豹鹿之皮貧者亦緝鳥羽為服婚姻富者用馬貧者用鹿皮為聘禮國無刑罰偷盜者信徵其贓聞骨利幹來通亦遣使朝貢

正觀二十一年十二月至

結骨國

在迴紇西北三千里勝兵八萬口數十萬南阻貪縵山有水從迴紇北流踰山經其國人並依水而居身悉長大赤色朱髮綠睛有黑髮以為不祥人皆勁勇隣國憚之其大與突厥同而婚姻無財聘性多淫泆與外人通者不忌其壻死喪力努其面火葬收其骨踰年而葬以木為室覆以木皮天每雨鐵收而用之以為刀劍甚銛利若獵獸皆乘木馬升降山磴追赴若飛其北有騶馬國鄰北海畜騶駿馬而不乘但取其酪充飧而已兒類結骨而不敦隣好交相侵伐

正觀二十一年二月結骨國君長遠遂身入朝云臣既一心歸國望得國家官職執笏而還遂授左衛大將軍

堅昆都督開元中安西都護蓋嘉惠撰西域記云堅昆
國人皆赤髮綠睛其有黑髮黑睛者則李陵之後故其
人稱是都尉苗裔亦有由然今又改稱紇斡斯者亦是
北夷舊號臣安國史叙鐵勒種類云伊吾以西烏耆以北
旁白山則有契弊烏護紇骨等其契弊即契苾也烏護
則烏紇也後為迴鶻其紇骨即紇斡斯也由是而言蓋
鐵勒之種嘗以稱迴鶻矣其轉為點戛斯者蓋夷音有
緩急即傳譯語不同其或稱戛斯者語急而然耳訪
於史譯云點戛是黃頭赤面義即以為迴鶻所呼今使
者稱自有此名未知孰是 會昌三年其國遣使注吾
合索^呼等七人來朝兼獻馬二疋以其久不修貢且莫
詳更改之名中旨訪求唯賈耽所撰四夷述具載點戛

斯之號然知耽之通習荒憬沒而不誤先是迴鶻背恩
德侵劫諸部落又擅入靈州上以為天亡不可容也乃
命河東等遣兵討之正月命河東兵大破迴鶻于殺胡
山就帳中奉太和公主歸於我軍可汗亦破蒼輿數十
騎踰山遁走點戛斯乘其破亡遂有其國二月遣使注
吾合索等七人來朝并獻名馬且憑太唐威德求冊命焉四
年上命太僕卿兼御史中丞趙蕃持節宣慰五年五月
勅我國家光澤四海君臨八荒聲教所覃冊命咸被况
乎族稱宗姓地接封疆受申建五之恩用廣懷來之道
有加常典得不敬承點戛斯國王生窮陰之鄉稟五朔
之氣少卿之後胄裔且異於蕃夷大漠之中英傑自雄
於種落日者居於純徼隔以強隣空馳向化之心莫通

事大之禮旋能奮其武勇清被朔陸萬里歸誠重譯而
至時既當於無外義必在於固存是用特降徽章載明
深懇加其美號錫以冊書貽厥後昆遂荒有北舉茲盛
典彰示遠戎祗服寵光永享恩化可冊為宗英雄武誠
明可汗命右散騎常侍兼御史中丞李拭持節充冊使
仍命有司擇日備禮冊命年九月勅去歲先帝冊立點
戛斯為可汗雖有成命旋屬朝廷變故未果遵行今欲
遣使且展計告之儀續行先帝之意又慮深僻小國不
足與之抗衡迴鶻向殘不合遽有建置事新体太須歸
至當必詢於衆方免有疑宜令中書門下五品已上御
史臺尚書省四品已上集議聞奏大中元年遂命鴻臚
卿御史中丞李業持節再冊命焉

天竺國

即漢之身毒或云摩伽佗或云婆羅門地在葱嶺之南
去月氏東南數千里地方三萬餘里其中分為五天竺
南際大海北天竺北距雪山四周有山為壁南面一谷
通為國門東天竺東際大海與扶南連但隔小海而已
西天竺與蜀賓波斯相接中天竺據四天竺之間國並
有王而俱以天竺為名隋煬帝志通西域諸國多至惟
天竺不通
正觀初年中國沙門玄奘至其中國天竺王尸羅逸多
謂玄奘曰吾聞中國有聖王作出秦王破陣樂試為我
說秦王之為人也互奘具言聖德王曰信如所言我當
自朝也至十五年自稱摩伽佗王遣使朝貢上乃遣雲

騎尉梁懷璫往通其國尸羅多大驚問諸國人曰自古亦有摩訶震旦使人至吾國乎皆曰未之有也乃遣使隨懷璫來朝至二十二年四月遣右衛長史王玄策奉使天竺國至尸羅逸多死其國大亂發兵拒玄策遂率吐蕃兵大破之虜其王以歸太宗大悅謂侍臣曰夫人耳目統於天竺不知我使人豈為俘虜耶昔中山以貪寶取弊蜀侯以牛令致城莫不由之是時其國方土那羅迦婆娑自言年二百云有長生之日上深禮之館之金甍門內造正年葉令兵部尚書崔禮監主之卷使天下采諸奇藥異石延歷歲月葉成服之無効後放本國還拜五葉為朝散大夫也

天授三年東天竺王摩羅拔摩西天竺王尸羅逸南天竺王遮邏其跋羅婆北天竺王那中天竺王地婆西那並來朝貢及中宗睿宗兩朝並獻方物開元三年二月遣使瞿雲惠成來朝八年五月南天竺遣使獻豹皮五色鸚鵡又奏請以戰象兵馬討大食吐

蕃求有以名其軍制書嘉烏號為懷德君九月南天竺王尸利那羅僧伽寶多拔摩為國造寺上表乞寺額勅以歸化為名賜十一月遣使冊利那羅僧伽寶多為南天竺王遣使來朝十七年六月北天竺國王三歲沙門僧密多獻質汗等藥十九年十月中天竺國王伊沙伏摩遣其天德僧勃僧來朝貢獻方物二十九年三月中天竺國王李承恩來朝授游擊將軍放還天寶中累遣使朝貢

歌邏祿國

本突厥之族也城在金山之西與車鼻部落相接薛延陀破滅之後車鼻人衆漸大歌邏祿率其下以歸之及高俟之經畧車鼻也歌邏祿相繼來降仍發兵以討之

後車鼻破滅歌邏祿模刺婆蔔踏實力三部落並詣朝
見天寶初與迴鶻拔悉密等攻殺突騎他烏蘇采可汗
三年與拔悉密可汗同著表兼獻馬至闕下其年冬又
與迴鶻同擊破拔悉密部落其可汗阿史那施奔北庭
後朝於京師十三年授阿史那施左武衛將軍乾元中
率拔悉密可汗南奔後葛祿與九姓部落復位迴鶻噉
葉護可汗為朝廷尋遣使封為奉義王仍號懷仁可汗
自此後葛祿在烏徃隄山左右者別置一都督隸屬九
姓迴鶻其在金山及北庭館內者別立葉護每歲朝貢
十一年葉護頓畧伽生擒突厥師阿布忠送於闕庭特
授開府儀同三司改封金山郡王至德後布裘漸盛與
迴鶻為敬國仍移居十姓可汗之故地今碎葉阻邏斯

城新城盡為所據然得迴鶻近歲朝貢不通

泥婆羅國

在吐蕃之西其俗剪髮與眉齊穿耳擅竹箛緩至扇者
以為妙麗食用手其器皆銅多商賈少田作以銅為錢
面文為人背文為馬牛不穿孔衣服以一幅布蔽身數
日一盥浴以板為屋壁皆彫畫俗重博戲頗解推測盈
虛皆通曆術事五天神鑄石為像每日清水浴神烹羊
而祭其王那陵提婆身著真珠諸寶耳垂鈎玉鐙佩裝
服突坐師子坐內當散花燃香大臣及左右並坐於地
有阿耆婆彌池週迴三十餘步以物投之即煙焰懸釜
而吹須臾而熟

永徽二年其王尸利那連陀羅遣使朝貢

大食國

波斯之別種也。大業中有波斯胡紇合房命渡恒曷水，劫奪商旅，其衆漸盛，遂割據波斯西境，自立為王。其王姓大食氏，名嗽蜜，莫末膩。自云有國已四十四年。歷三主矣。俗勇於鬪戰，土多沙石，不堪耕種，唯食駝馬肉。西隣大海，常遣人乘舡將衣糧入海。經八年而未極。西岸中有一方石，上有樹幹，赤葉青，上摠生小兒，長大寸見，人皆笑，動其手脚，既著樹枝，其使摘取一枝，小兒便死。永徽二年八月，大食遣使朝貢。至龍朔中，擊破波斯，又破拂菻，始有面米之屬。又南侵婆羅門，吞併諸國，勝兵四十餘萬。開元初，遣使來朝，進良馬、寶鈿帶。其使謁見，平立不拜，云：「本國唯拜天神，雖見王亦不拜。」所司屢詰

責之，其使遂依漢法，致拜。令康國、石國皆臣屬。十三年，遣使蘓梨滿等十三人獻方物，授果毅，賜緋袍、銀帶。遣還其境，東西萬里，東與突騎施相接，烏人、紫賈、耽、四夷迷云。隋開皇中，大食族中有孤列種，代為首長。孤列種中又有兩姓，號盆尼夷，深一號盆尼末。換其奚深，後有摩訶末者，勇健多智，衆立之為王。東西征伐，開地三千里，兼尅憂獵一名，鈔音所城。摩訶末後十四代，至末換末，換殺其兄伊病，而自立。復殘忍，其下怨之。有呼羅珊木鹿人並波悉林，舉義兵，應者悉令著早旬月間，衆盛數萬。鼓行而西，生擒末，換殺之。遂求得奚深種，阿蒲羅拔立之。自後未換以前，謂之白衣大食。自阿蒲羅拔以後，改為黑衣大食。阿蒲羅拔卒，立其弟阿蒲恭拂。至德初

遣使朝貢代宗之為元帥亦用其國兵以收兩都寶應
初其使又至恭拂卒于迷地立迷地卒于年栖五年栖
卒弟阿論正元二年立尋與吐蕃為勃敵蕃兵大半酋
禦大食故鮮為邊患其力不足也至十四年九月丁卯
以黑衣大食使舍崖烏雞沙北三人並為中郎將放還蕃
大辭彌國
與波斯接風俗亦與波斯同
正觀十九年三月遣使貢方物

駁馬國

其地近熱海在突厥北去京師一萬四千里經突厥大
部落五所乃至勝兵三萬馬萬匹地寒積雪至冬樹木
不彫者一二尺雪消以馬耕種五穀馬色並駁故以為

國號其使云西去鬼國六十日行其國夜遊晝飲眠鼻
牙與中國人同口在頂上土無米粟噉鹿與蛇
永徽二年十一月朝貢使至

金利毗遊國

在京師西南四萬餘里行經日亘國阿陵國摩阿國新
國多薩國者埋國婆婁國多郎婆黃國摩羅遊國真臘
國林邑國乃至廣州東去至物國二千里西去赤土國
一千五百里南去婆庭舍衣朝霞白疊每食先泥上鋪
席而後坐其國王名本多陽牙前有隊杖甲鍪甲用具
多樹皮風俗物產與真臘國同

多摩長國

居於南海島中使云其王先祖骨利龍之子利常得一

烏卵割之得一女子容色殊妙因以為妻今尸羅的備
即其後也 顯慶四年二月朝貢使至

蝦夷國

海島中小國也其使鬚至長四尺尤善弓矢挿箭於首
令人戴瓠而立數十步射之無不中者

顯慶四年十月隨倭國使至

歌羅舍分國

在南海之南接墮和國羅其王名蒲越摩伽精兵二萬
人其使以顯慶五年發本國至龍朔二年五月到京

日本國

倭國之別種以其國在日邊故以日本國為名或以倭
國自惡其名不雅改為日本或云本舊小國吞併倭國

之地其人入朝者多自矜大不以實對故中國疑焉
長安三年遣其大臣朝臣真人來朝貢方物朝臣真人
者猶中國戶部尚書冠進德冠其項為化分而四散身
服紫袍以帛為腰帶好讀經史解屬文容止閑雅則天
宴之授司膳卿而還

開元初年又遣使來朝因請士授經詔四門助教趙元
默就鴻臚教之及遺元默闊幅布以為束修之禮題云
白龜元年調布人亦疑其偽為題所得錫賚盡市史籍
泛海而還其偏使朝臣仲滿慕中國之風因留不去改
姓名為朝衡歷仕左輔闕終右常侍安南都護

師子國

在西南大海中洲始來朝其洲中有山名稜伽古佛遊

處國中有王以一善化人皆以清淨舉道為務
天寶五載正月使至獻鈿金寶瓔珞及貝葉抄寫大般若
經一部細白疊四十張

多農國

居南大海之北周迴可兩月行南至海西俱遊國北波
刺國東真陀洹國其王姓摩伽名失利戶口極衆置四
十州又役屬佗國有城郭樓櫓宮殿並瓦木常侍衛兵
可四千人雖有弓箭刀楯甲稍而無戰陣有刑典書記
及婚聘之禮事佛及神亦以十二月為歲畜有犀象馬
牛果有檳椰子其桃李及園蔬五穀與中國不殊
龍朔元年八月朝貢使至

耽羅國

在海居山島上周迴並接於海北去百濟可五日行其
王姓儒李名都羅無城隍分作五部落其屋宇為圓墻
以草蓋之戶口有八十有弓刀楯稍無文記唯事鬼神
常役屬百濟龍朔元年八月朝貢使至

拘婁蜜國

在林邑之西陸路三月行山居饒象並養之以供用
顯慶元年閏正月來朝貢在盤、致物國東南海路一
月行南去婆離國十日行東去不迷國五日行西北去
單國六日行風俗物產與赤土國墮和羅國畧同
永徽六年八月遣使獻五色鸚鵡

驃國

正元十八年春正月南詔使來朝驃國王始遣其弟悉

利移來朝華言謂之驃自謂突羅朱闍婆人謂之徒里
拙自古未常通中國魏晉間有著西南異方志及南中
八郡者云永昌古哀牢國也傳聞永昌西南三千里有
剽國君臣父子長幼有序然聞無見史傳者今其聞南
詔異年尋歸附心慕之乃因南詔重譯遣子朝貢東北
拒南詔咩苴城六千八百里凡去上都一萬四千里在
永昌故郡南二千餘里其境東西三千里往來通聘者
迦羅婆提等二十國後屬者道林王等九城食境者羅
君潛等二百九十八部落東隣真臘國西接東天竺國
南滇海北通南詔些樂城界其王姓因沒長名摩羅惹
其國相名摩訶斯那其王近適則與以金線林遠適則
乘象嬪御其衆傳御常數百人其羅城御名以靛髻周一

百六十里壕岸亦御名靛相博本是刹舍佛城內有居人
數萬家佛寺百餘區其堂宇皆金銀幄以丹彩地以紫
鑛覆以錦蜀其俗好生惡殺其土宜菽粟稻梁無蔘麥
其理無刑名桎梏之具犯罪者以竹五本束之復犯者
其皆數止五輕者止三殺人者戮之男女七歲則落髮
止事桑門至二十五悟佛理乃復為居人其衣服悉以
白氎與朝霞繞腰而已不衣繒帛云出於蚕為傷生也
又獻其國樂九二十二曲與樂工三十五人來朝樂曲
皆演釋氏經論之詞意二十一年四月封彌臣國嗣王
樂道勿禮為彌臣國王焉
咸通三年二月遣使貢方物

中六年十二月占卑國佛邪葛等六人來朝兼獻象宰
相魏暮以性不安中土請還其使從之
咸通十二年二月復遣使朝貢

雜錄

故事西蕃諸國通唐使處悉置銅魚雄雌相合各十二
隻皆銘其國名第一至十二雄者留在內雌者付本國
如國使正月來者賚第一魚餘月推此閏月賚本月而
已校其雌雄合乃依常禮待之差繆則推按聞奏至
開元一十六年十一月五日鴻臚卿奉舊章奏日近緣
突騎施皆叛蕃國銅魚多有散失望令所司
止觀二年六月十六日勅諸蕃使人所娶得漢婦女為
妾者並不得將還蕃四年三月諸蕃君長諸闕請太宗


為天可汗乃下制今後璽書賜西域北荒之君長皆稱
皇帝天可汗諸蕃渠帥有死七者必下詔冊立其後嗣
焉統制四夷自此始也二十一年三月十一日以遠夷
各貢方物其草木雜物有異於常者詔所司詳錄焉葉
護獻馬乳葡萄一房長二尺子亦稍大其色紫摩伽獻
菩提樹一名皮羅葉似白楊康國獻黃桃大如鵝卵其
色如金亦呼金桃伽國獻鬱金香葉似麥門冬九月花
開狀如芙蓉其色紫碧香聞數十步華而不實欲種取
其根蜀賓國獻俱物頭花其花丹白相間而香遠聞伽
失畢國獻泥樓鉢羅花葉類荷葉圓缺其花色碧而蕊
黃香芳數十步達國獻佛土葉一莖五葉花亦中心正
黃而葉紫色泥婆國獻波稜教紅藍花實似蒺藜火熟

之能益食味又鮮菜狀如菜濶而長味如美鮮苦菜狀如苣其葉濶味雖少苦久食益人胡芹狀如芹而味香渾提葱其狀如葱而白辛嗅藥其狀如蘭凌冬而青收乾作末味如桂椒其根能愈氣疾薛延陀獻凌蘭鹿毛如牛角大如覆西蕃突厥獻馬蹄羊其蹄似馬波斯國獻活禱蛇其狀如鼠而色青身長七八尺能入穴取鼠西蕃咄祿可汗獻金卵雞殼烏殼也彫刻作禽獸而塗以金西蕃胡國出石蜜中國貴之太宗遣使至摩伽佗國取其法令揚州煎蔗之汁於中厨自造馬色味逾于西域所出者葡萄酒西域有之前世或有貢獻及破高昌收馬乳葡萄實於苑中種之并得其酒法自損益造酒成凡有八色芳香酷烈味兼醍醐既頒賜群臣京

五千文歸德司戈從八品料錢十四千文懷化執戟長上正九品料錢十一千文歸德執戟長上從九品料錢十千文勅準六典應授墓蕃官前承未置今蕃人向化近日漸多名位高卑須有等級其增置官品及料錢等宜依前件其月以歸降吐蕃論乞髯湯沒藏悉諾碑為歸德將軍會昌二年八月制歸義軍使特進檢校工部尚書兼右金吾衛大將軍同正懷化郡王唱沒斯賜李名思忠冠軍大將軍左衛大將軍同正寧邊郡公曆支賜姓李名思正冠軍大將軍左衛大將軍同正昌化郡公習聞啜賜姓李名思義冠軍大將軍左衛大將軍同正寧朔郡公烏羅思賜姓李名思禮守右領軍大將軍同正寧塞郡公受邪勿可檢校右散騎常侍右領軍衛

入將軍國正充歸義軍副使仍賜姓李名弘順制李思
正弟冠軍大將軍右饒衛大將軍同正昌化郡公李思
義母可封鴈門郡君李可忠男可中散大夫檢校殿中
少監仍賜紫金魚袋賜名繼美
天祐元年六月授福建道佛齊國入朝進奉使都蕃長
蒲訶粟寧遠將軍

唐會要卷第一百



卷之三